

WANTOK



OCEAN BLUE

Tuna in oil
Rait teist
yah!



Wan Wik, Ogas 11 - 17, 2005 NAMBA 1621

Niuspepa bilong yumi ol PNG stret! K1.00 long Mosbi tasol - Ausait Mosbi K1.30

Tumbuan, Kirap!

Ol Tumbuan bilong Nu Allan
bal kirap long namba wan Mini
Mask Festival bilong
Namatana long mun
Septemba. Lukim stori long
PES 2

MOA YANGPELA MERI SLIP
WAN TAIM OL BIKPELA
WAN **PES 12**

STAND KEM PIPEL
OL BIKPELA ASOSIASEN
PES 17



SHARZY
Kukim Mosbi
Lukim
Pes 16

TOK LUKAUT

**NOKEN GIVIM MANI LONG
KISIM KOMPENSESEN
BILONG BAGARAP I
KAMAP LONG WOL WOA 2**

Lukim stori long pes 3

TOYOTA

Limited Stock

...with unlimited features

RAV4
5 DOOR WAGON 4WD

FOR ENQUIRIES CONTACT:

3229400
Email: whim@elamotors.com.pg



- 2.0 litre 16 Valve engine
- 5-Speed Manual & Automatic transmission
- AM/FM Radio Cassette
- Central locking
- Power steering
- Power Windows
- Airconditioning
- Seating for 5 people

Ela Motors

EMD051

✓ Toyota Quality ✓ PARTS & SERVICE BACKUP ✓ 15 BRANCHES NATIONWIDE

TOYOTA TSUSHO (PNG) LTD.

Tumbuan redi long danis

Neville Choi i raitim

OL BIKNEM Tumbuan bilong Nu Ailan bai gat sans long soim kik bilong ol taim namba wan mini mask festival i kamap long Namatanai long Nu Ailan long mun Septemba.

Mausman bilong Yut na Siaman bilong Provinsel Asembli Komiti long HIV/AIDS Walter Schnaubelt i tok amamas long makim bilong Samuel Tabairuo olsem siaman na George Salot, tike Malava na Tosimef Eli olsem komiti bilong Namatanai Mini Mask Festival.

Dispela festival i bin kam ausait long bikpela Mask Festival we i save kamap long Is Nu Briten olgeta yia stat long 1995. Olgeta yia, Namatanai i save salim ol tumbuan i go long dispela mask festival. Tasol dispela yia, ol tumbuan bilong Nu

Ailan stret bai soim tru tru kala bilong ol.

Sampela long ol bikpela mask we bai i kamap ples klia long Namatanai Mini Mask Festival long mun Septemba em ol Tatanua Mask bilong Sentrel Nu Ailan; ol Malagan Mask bilong Tabar; ol Nimamar Mask bilong ol Lahir ailan; ol Ailan Mask bilong Tanga na Anir ailan; ol Kinawai Mask bilong Konoagil; na ol Tumbuan na Tangara mask bilong Susurunga/Tanglamet yet long Namatanai. Narapela bikpela singsing em bilong ol lain bilong kaikai paia.

Mista Schnaubelt i tok dispela mask festival bai strongim kalsa developmen na turisim insait long distrik na kirapim moa wok bisnis namel long ol pipel.

Palamen kisim longpela malolo



• Haus Palamen: Haus bai stap nating inap long mun Oktoba we ol memba bai bung gen na kibung. Foto: FAIL POTO

PALAMEN kibung nau i kisim longpela malolo stat long las wik Trinde na bai go inap long Oktoba 28 long dispela yia.

Wanpela bikpela wok bilong gavman i mekim long dispela longpela malolo em long glasim nesenel baset bilong 2006.

Palamen i save oltaim kamapim baset bilong kantri long mun Novemba bilong olgeta yia. Olsem na taim bilong Papua Niugini i save long amas mani bai kantri i brukim long karimaut ol wok wantaim em long mun Novemba.

Em i plen bilong gavman long lukim olsem em i mekim inap mani bilong putim insait long baset na kamapim

gutpela baset bilong kantri. Gavman i save kisim gutpela nem taim em i kamapim gutpela baset.

Fainens na Treseri Minista Bart Philemon i tokaut long palamen las mun olsem gavman bilong Somare nau i kamapim sampela gutpela senis nau long sait bilong mani na bisnis insait long kantri. I gat inap mani i stap long Sentrel Beng bilong strongim ol bisnis insait long kantri na tu ol bisnis i stat long mekim gut wok nau. Em i tok nau olgeta distrik bai kisim wim mani bilong ol projek we gavman i plen long brukim samting olsem K50 milien olgeta. Dispela em mani antap long ol distrik sapot gren na arapela distrik mani we i save go long ol aninit long lo.

Tripela bikpela projek bilong Somare gavman

GAVMAN bilong Somare i makim tripela bikpela projek long olsem bikpela rot bilong kirapim bisnis insait long maining, turisim, agrikalsa na ol arapela bisnis moa insait long Papua Niugini long 2006 i go long 2008.

Dispela tripela bikpela projek gavman i makim em Hailans Haiwe Rihebilitesen Projek, Lae Pot Ridevelopmen na Tokua ples batus Ridevelopmen projek.

Minista bilong Nesenel Plening Arthur Somare i tokaut olsem aninit long Medium Tem Dvelopmen Streteji (MTDS) plen bilong gavman, ol i laik stretim gut dispela tripela bikpela projek we olgeta wok bisnis na developmen i ken ron stret.

Mista Somare i tok Hailans Haiwe Rihebilitesen Projek bai karamapim olgeta bris na rot stat long Makam i go olgeta long Sauten Hailans provins we dispela bai kos olsem K224.90 milien olgeta long kamapim.

Nem bilong ol bris em (Morobe) Yalu Bris, Gusap na Bora bris, Ramu Haiwe na

Nadzab i go long Yung krik riheblitesen. (Isten Hailans) Yung Krik i go long Mai Bris riheblitesen projek, (Simbu) Mai bris i go long Memintz na tu bai i gat tripela yia mentenens program. (Westen Hailans) Memintz i go long Kaugel Bris. (Sauten Hailans) Kisenopoi i go long Angurra Bris, Angurra Bris i go long Mendi, Mendi i go long Nipa, Nipa i go long Magarima na Magarima i go long Tari.

Mista Somare i tok gavman bai lukluk tu long stretim Mendi rot i go long Kandep na Magarima i go long Kandep long mekim isi long go long wel na ges projek long Sauten Hailans provins. Dispela bai kam aninit long ADB lon we i gat program bilong em yet i stap.

Mista Somare i tok dispela projek i mas kamap gut bai ol bisnis we i kamap long Hailans i ken ron gut i go daun long Lae wof na go aut long ovasis maket isi tasol.

Na dispela em plen bilong gavman long mekim i kamap gut.

Salim PNG kaikai long Australia maket

BIPO Papua Niugini i save salim poteto i go long Australia maket tasol dispela i no kamap moa. Taim dispela i bin pinis, ol wansolwara lain long Fiji i wok long salim ol kokonas bilong ol i go long Australia maket na PNG nogat.

Dispela bikpela askim i kam long memba bilong Anglimp Saut Wagi Jamie Maxtone Graham i go long Praim Minista Sir Michael Somare long gavman i mas lukluk long en.

Mista Maxtone Graham i tok rot i bin op bipo long PNG i ken salim ol kaikai olsem poteto i go long Australia na dispela rot inap opim dua tu long ol arapela kaikai mipela i planim long go daun long Australia maket.

Mista Maxtone Graham i askim long kamapim nogat gutpela tred protokol na stendet bilong kisim tred agrimen wantaim Australia. Em i askim Gavman long makim



• Tapiok em wanpela samting mipela i ken salim i go.

Samting olsem K450 milien long wok bilong strongim agrikalsa na tu rot bilong kisim ol samting mipela i planim i go olgeta long ovasis maket tu.

Praim Minista Sir Michael Somare i tokaut olsem yumi ken salim ol kaikai olsem taro, banana, kokonas na arapela moa. Australia em gutpela pren bilong PNG na i nogat as long ol samting mipela i kamapim i no inap go long maket bilong ol, Sir Michael i tok.

Sexava grasopa bai dai klostu

Steven Kadiko i raitim

WELPAM birua Sexava grasopa ol i bilip bai i no moa strong long bagarapim ol welpam diwai long bihain long tripela mun i kam.

Kodineta bilong Hoskins welpam projek Frank Lewis i tokaut long dispela.

Mista Lewis i tok asua bilong hevi i bin kamap strong long laspela tupela o tripela mun i go pinis, long wanem ol i sot long ol lain wokman bilong go ausait long fil long givim sut long ol welpam diwai.

Em i tok bagarap i bin kamap strong long smol holda blok tasol na dispela hevi hau ol i daunim pinis.

I bin i gat tripela mun ol lain komiti i lukautim dispela sexava bagarap i makim olsem taget de long dispela hevi bai i mas pinis.

Mista Lewis i tok tupela tritmen raun ol i givim pinis long ol dispela blok i kisim bikpela bagarap na komiti bilong em i bilip olgeta samting nau bai stap orait.


Ol lain wokman bilong OPIC, OPRA na NBPOL smol holda divisen i wok hat tru long daunim dispela hevi na ol i bilip bai welpam indastri bai sanap strong yet.

Dairekta bilong Welpam Risets Asosiesen, Ian Orall i tok sexava grasopa em i wanpela binatang i save stap oltaim na em i save kamap bikpela sapos ol blok holda i no lukautim gut welpam blok bilong ol na bus i go bikpela.

Mista Orall i tok i gat tenpela kain sexava grasopa i stap long Papua Niugini bipo yet i kam, tasol 4-pela long ol dispela binatang i save kamapim birua long welpam.

Mista Orall i tok tupela binatang i stap long Oro na Nu ailan provins i no save kamapim birua long welpam. Tasol em i tok lukaut olsem sampela ol binatang i no save birua long welpam nogut i ken kamapim hevi sapos welpam indastri i kirap long ol arapela provins olsem Is Sepik provins we Sexava binatang ol i kolim Nubil Stal i stap pinis.

Dairekta i tok wanpela rot tasol long daunim dispela hevi em long ol blok holda na ol bikpela stek holda i mas kilim bus long welpam blok bilong ol.



LONG MONING TRAIPELA REN NA WIN NA TORO STRETIM AMBRELA NA LUSIM AUSAIT LONG VERANDA..

EM I GO INSAIT NA KAIKAI I STAP NA TRAIPELA WIN I KAM NA BLOWIM AMBRELA I GO...

TAIM TORO I KAM AUSAIT NA KIRAP NOGUT LONG LUKIM AMBRELA I PLAI I GO I STAP..

BAGA I NO WARI LONG REN.. EM KALAP I KAMAUSAIT NA BIHAIM AMBRELA I GO...

HO!! HUSAT I KISIM AMBRELA BILONG MI?! AH..WIN I KARIM I GO ISTAPI!!

EM I NO KEA LONG MAD I PULAP LONG EM, EM GO TASOL..

Tok Lukaut

Michael Novingu i raitim

TOK LUKAUT i go long ol pipel bilong Is Sepik provins long noken givim mani long ol lain husat i tok olsem Siapan (Japan) gavman bai peim kompensesen long ol wan lain bilong ol i kisim bagarap long han bilong ol Siapan long Wol Woa 2.

Dispela tok lukaut i bihainim wanpela ripot opis bilong Japan i kisim long Pot Mosbi olsem i gat wanpela grup long Wewak i wok long kisim manimak olsem K25 long kamap memba bilong Japanis Ridres Asosiesen long PNG.

Mausman bilong opis bilong

Siapan long Pot Mosbi, Shun-suje Oro i tok dispela kleim i nogat as bilong em long kleim kompensesen long ol lain i kisim bagarap long ami bilong Siapan long Wol Woa 2.

"Mi singaut i go long ol pipel bilong Is Sepik na PNG olsem gavman bilong Siapan i no inap long peim woa kleim kompensesen long wanem bihain long woa, gavman bilong Siapan wantaim gavman bilong PNG na Australia i sainim wanpela triti o tok orait olsem mipela i no inap peim kompensesen long ol lain i kisim bagarap long taim bilong Wol Woa Tu," Mista Oro i tok.

Long wankain taim, bosman

bilong polis long Is Sepik Provins, Sief Suprintenden Leo Kabilo i no amamas long wanpela grup ol i kolim Papalain Asosiesen tu i wok long kisim K25 long ol manmeri long kamap memba bilong asosiesen long kleimim mani mak olsem K3 trilien we i stap long Beng bilong PNG (BP-NG).

Dispela ol kleim em ol i tok bilong kisim ol mani we ol manmeri i bin wok long PNG Fores Prodak we ol i no peim ol entaitolmen bilong ol.

"Dispela kain pasin em kago kal pasin we i wok long kamap strong insait long Is Sepik provins," Mista Kabilo i tok.

Ripot *Wantok Niuspepa* i kisim i kam long Wewak i tok Papalain em i wanpela trupela asosiesen na em i rejista aninit long Invesmen Promosen Atoriti na ol i laik kisim mani long PNG Fores Prodak i no peim ol.

Mausman bilong dispela grup long Wewak we em i no laik putim nem bilong em long *Wantok Niuspepa* i tok klostu bai ol i kisim peiaut.

Em i singaut tu long Is Sepik polis bosman long wokim gut wok bilong em long stopim raskol pasin long Wewak taun na noken wari long hevi bilong ol dispela lain.



WOK

SHARZY, stail manki bilong Solomon Ailans i kirapim das long PNG stap. Taim em i singsing long Mosbi, ol manmeri indai kirap long ol singsing bilong em. Em i sakim bodi bilong em, ol meri klostu dai. Em rausim singilis, ol man i no harim musik moa. Em tromoi singilis namel long ol manmeri, pait bruk, ol manmeri longlong na bihain ol i wokabout lek nating. Sikarap long kisim siot bilong Sharzy na su i bruk. Em i orait. Siot bilong SP em strongpela ya.

HETMAN bilong ronim kar bilong opis i wok long paul liklik yet wantaim wanpela buk bilong makim ron bilong kar. Em i kam kamap long opis, na tingting bilong makim raun bilong em insait long buk na em i lus tingting long ki i stap long kar yet, musik i on, na em i go insait long opis na boiliti. Bihain long ti i pinis, em painim ki bilong kar. Asud!

Ol bik lain bilong leit King long Bogenvil i wok long paul liklik yet. Tok win i kam olsem ol i paul long husat tru bai senisim em. Bikman ya i kamapim sistem bilong King na nau i gat bikpela kros long wanem man husat ol i makim long tekova i no wanfamili bilong em. Yupela, em bai olsem wanem nau?

TOKWIN i harim olsem narapela King ya, Patti Potts Doi bai pilai long Kimbe long dispela wik. Ripot i kam long nupela niusman bilong *Wantok Niuspepa* long Kimbe, Steven Kadiko olsem longpela taim tru ol pipel bilong Wes Nu Briten i no lukim dispela 'King bilong Pasifik Musik' i pilai laip. Em nau. Taim bilong rausim olgeta lip tanget na tromoi lek i go kam. Na bai yu stopim?

Tokwin i spai long wanpela Stet loya husat i stap long Renbo kompaun i painim hat long kam insait long get taim em pinisim wari wantaim ol wok man bilong em long nait. Traipela 3 kilok moninim em i kruz i kam kambek wantaim ol poro bilong na painim olsem get i pas na i hat long krol ananit so em i tokim ol poro bilong long go painim moa bia na ol i ken dring i go tulait na long dispela taim bai get i op. Tasol nogat ol i go na tulait long sampela hap na em silip long hap. Gut wan Osama Jaygins.

Konman "Lord Nesbitt" na poro hait yet long Bogenvil

RIPOT i kamap pinis olsem wanpela man Ingran husat i bin stap antap long Panguna wantaim leit Francis Ona na ol Me'ekamui lain klostu long wanpela yia em i wanpela konman.

James Nesbitt i apim em yet na givim em yet nem olsem "Lord Nesbitt. Na leit Mista Ona na ol lain Me'ekamui i lukim em olsem spesel mausman bilong Kwin bilong Ingran.

Kon bilong Mista Nesbitt i wok na ol pipel long Bogenvil, moa yet ol lain long No Go Zon eria i bin save wet long ples balus long Kwin Elizabeth bilong Ingran na Presiden Bush bilong Amerika long go kamap long Bogenvil.

Wanpela ripot i kamap long *The Times* bilong London niuspepa i tok ol bin lukim Mista Nesbitt tupela wik i go pinis long No Go Zon eria we dai bilong Mista Ona i lusim ol lain bilong em i stap wantaim nogat Kia lidasip.

Mista Nesbitt wantaim narapela man Australia em Jeffrey Richards husat i save kolim em yet "Prins" o wanpela royel famili memba i bin go kamap long ailan long las yia Septemba taim Bogenvil i wok long redi long Otonomes Ileksen bilong pinisim pait na strongim gutpela sindaun. Tasol bikos ol i no bin kisim tok orait long Sivil Aviesen Atoriti long PNG, kot i bin odaim papa bilong balus na pailot bilong Australia i bin peim 60,000 pauns mani bilong Ingran.

Mista Nesbitt na Richards i bin go na stap hait long bus long eria we leit Mista Ona na ol Me'ekamui ami bilong em i bosim. Na ol i kamapim ol kain kain tok promis long ol pipel. Me'ekamui ami i bin salim toksave olsem tupela man i go long hap long wok misin bilong helpim ol trangu. Na ol i tok tupela Lord Nesbitt na 'Prins' Jeffrey Richard i wok long stretim rot

long Yunaitet Nesen i givim luksave long Bogenvil olsem wanpela kingdom. Ol bin tokaut tu olsem Kwin bai stap long wanpela seremoni antap long Panguna na ples bilong Mista Ona, husat i bin kolim em yet tu wanpela 'King'.

Ol atoriti i bin tokim ol pipel olsem dispela em ol giaman tok tok tasol planti pipel i bin go wet yet long ples balus. Nogat samting i kamap na ol i belhat na go bek.

Otonomes Ileksen bilong Bogenvil i bin kamap long mun Jun i bin go gut. Tasol planti pipel i bin kirap nogut long dai bilong Mista Ona wantaim nogat toksave. Ol bin tok em i dai long sik malaria na taifoid o sik pekpek blut. Ol Me'ekamui i no bin laik bai Dokta i sekim em na painim aut tru as bilong dai bilong Mista Ona.

Bihainim tu dai bilong Ona, ol sea bilong Bogenvil Kopa long

mani maket long Australia i bin go antap. Rio Tinto husat i papa bilong Bogenvil Kopa main i tok ol i nogat control long ol sea tasol ol i nogat save long main bai i op. Na ol i no save tupela waitman i wokim wanem samting long Panguna.

I nogat toksave long wanem taim bai "Lord Nesbitt" i lusim Bogenvil bikos i nogat tok orait long balus long pundaun long Sentrel Bogenvil. Ol polis i kisim tok lukaut long holim pasim Mista Nesbitt sapos ol i lukim em.

Foren Opis i putim aut tok olsem "Mista Nesbitt em i trabel man. Na inap long taim ol atoriti i ken kisim em, toksave bai stap olsem".

Long ol ripot nau, i gat sampela tok pait i kamap long Me'ekamui lain na lidasip bihain long Mista Ona i dai.

Anglikan Bisop no amamas

ANGLIKEN Bisop bilong Pot Mosbi Daiosis Peter Fox i no wanbel long wanpela bikpela niuspepa i putim wanpela etvatismen i gat ol giaman tingting long em.

Wanpela bikpela tupela pes kala etvatismen i bin kamap long dispela niuspepa las wik we wanpela man, Amos Yali i tok wanpela wara em i kolim long "Yaufo wara" i gat strong long kilim olgeta kain kain sik long bodi.

Etvatismen i tok Bikman yet i bin soim na givim dispela 'mirakef' wara long em (Mista Yali), long oraitim ol kain kain sik.

Bisop Peter i tok i tru PNG em i fri kantri long mekim wanem na autim tingting bilong ol, tasol em i no wanbel long dispela giaman etvatismen we i ken paulim tingting bilong ol manmeri bikos em i kisim moa long wanpela botol long oraitim ol bodi na spiritual sik long komyuniti bilong yumi.

Bisop Peter i tok em i sori olsem dispela biknem niuspepa i putim dispela kain etvatismen i gat ol giaman tingting taim em i save tok em i save ripotim ol trupela nius long ol samting i kamap tru.


"Samting i mekim mi sori em watpo na

bikpela niuspepa olsem we i tok long putim ol trupela ripot long ol trupela samting i kamap i ken putim dispela kain giaman toktok long paulim ol manmeri. Tupela pes kala etvatismen i tokim pipel olsem samting ol i kolim long Yaufo wara i ken oraitim sik bilong ol i no stret. Mi laikim niuspepa bilong mi long ripotim ol trupela samting i kamap. Em i hat long luksave long niuspepa i save putim kain etvatismen i tok "Anointed Water" o wara i gat blessing bilong God bai oraitim olgeta sik," Bisop Peter i tok.

Em i tok em i save ol bai tok toktok bilong Mista Yali na Holi wara bilong em i etvatismen tasol. Na ol bai tok sapos husat i laik putim etvatismen na peim i ken putim wanem toktok em i laikim.

"Tasol mi ting dispela niuspepa ya i mas yusim fridom bilong em na wokim disisen long noken putim etvatismen i ken paulim pablik long em wantaim ol giaman na kon toktok bikos ol i givim mani long putim.

"Wanem prais yu putim long gutpela nem. Yu salim moa long etvataising spes...yu salim gutpela nem bilong yu," Bisop Peter i tok.



QE2 bai kam bek gen long PNG

• **BIKPELA** pasindia sip bilong Ingran, Queen Elizabeth 2 (QE2) bai kam bek long PNG na sua wanpela de long Rabaul long mun Mas long 2007. Dispela bai karim bikpela mani tru bilong Is Nu Briten provins.

Las yia, dispela sip i bin kam sua long Lae na insait long dispela wanpela de sua bilong em, ol turis long sip i bin tromoi samting olsem K500,000 long Lae siti. Wankain samting i ken kamap long Rabaul. Nau em i taim bilong ol lain manmeri husat i gat tingting long mekim wok turisim long rere long raun bilong dispela sip.

Bogenvil tok gutbai long UNOMB

Aloysius Laukai i raitim

YUNAITET Nesens Obseva Misin (UNOMB) long Bogenvil i lusim ailan na kantri long dispela wik bihain long ol helpim na kamapim gutpela sindaun.

Liklik lain wokman olsem 5-pela tasol i bin wok long 7-pela kris-mas long was long ol wok long kamapim gutpela sindaun. Olsem namel man, bikpela wok em bin go pas long en em long rausim ol paitgan long Bogenvil. Mekim na ol paitman na komyuniti long ailan i bin bungim na bagarapim moa long 2,000 gan ol bin yusim insait long Bogenvil pait.

Taim UNOMB i pasim opis bilong em na i lusim Bogenvil, em i bin lusim ol wok samting, pe bilong em inap long \$167,233.79 long mani bilong Amerika long han bilong Otonomes Bogenvil Gavman (OBG). Em ol samting olsem ka, haus na ol

samting long yusim long opis.

Wanpela liklik sere-moni i bin kamap long Kuri Viles Risot long Buka long tok gutbai long UNOMB.

OBG Presiden Joseph Kabui, taim em i tok tenkyu long Yunaitet Nesens (UN) long ol kontribusen bilong em long painim gutpela sindaun long ailan i bin tok, sapos UN i no bin stap, Bogenvil bai no inap kamap long level bilong gutpela sindaun em i gat nau.

"Mipela i bin laikim nutrel man o namel man husat i no inap wokim wansait pasin i stap namel na mipela i save gut long ol samting i bin kamap. Ol hatpela negosiesen i bin kamap," Mista Kabui i tok.

Mista Kabui i skruim tok moa olsem referendum o kisim indipendens vot na planti ol arapela samting moa i sut long Bogenvil i go gut bikos UN i stap namel long ol.

Em i bin luksave long wok we UN i wokim aninit long ol arapela embasi olsem Hai Komisn bilong Australia na Nu Silan na wok-bung wantaim ol arapela Hai Komisn wantaim nesanel gavman na ol lida bilong Bogenvil.

"Tude mipela i ken amamas long wok bilong painim gutpela sindaun long Bogenvil i kamap. Wok we yumi wantaim ol arapela patna long painim gutpela sindaun i bin hatwok long em. Na gutpela wok i kamapim gutpela win stori long UN na Misin bilong em long Bogenvil," Mista Kabui i tok.

Em i tokim ol woklain bilong UNOMB olsem ol i ken lusim Bogenvil wantaim amamas olsem dispela em wanpela ples long wol we UN i ken amamas tru na sanapim flek bilong em antap.

Mista Kabui i tok taim planti wok bilong painim gutpela sindaun long ol arapela hap bilong wol i no wok, Bogenvil i



• Bogenvil Etministreta Peter Tsiamalili i tok tenkyu long UNOMB Bosman Tor Stenbock i sanap long sait. Foto: ALOYSIUS LAUKAI

kamap olsem win stori long wok bilong UN.

"Wok i kamap gut na win i bilong yumi olgeta, UN, ol pipel bilong Bogenvil, PNG na ol wansolwara poroman. Wol i bin wok bung wantaim na gutpela samting i kamap," Mista Kabui i tok.

Bogenvil yut bung long Novemba

Veronica Hatutasi i raitim

OL yut long Bogenvil bai holim bikpela bung bilong ol long mun Novemba.

Bung bai kamap long Mabiri we ol Maris Bruder i kirapim Hai na teknikel skul long em.

Bogenvil Katolik Daiosis Yut Asosiesen (BCYA) bai go pas long dispela bung.

Kodineta bilong BCYA Pater Victor Nanaha i tok ol yut long ol peris bai kamap long dispela bung long autim tingting long ol samting i karamapim ol, ol wari na hevi na ol wok kamap stat yet long taim ol i kirapim bek yut asosiesen tupela yia i go pinis.

Pater Victor i tok asosiesen i wok long muv fowet wantaim gutpela tingting

bihain long ol i kirapim bek long 2003.

"Yut i stap laip long Kraisi" i wanpela as toktok i bin kamap long Jenerel

Asembli bilong Katolik Sios las yia na Pater Victor i tok ol yut bilong Bogenvil Daiosis i sanap strong long dispela na go insait strong long ol spiritual, sosel na ol arapela program bilong ol.

Em i tok sampela ol hevi ol yut long Bogenvil i bungim na BCYA i lukluk long etresim em long hombru, smok na alkahol. Antap long em tu em HIV/AIDS.

Pater Victor i tok hevi long HIV/AIDS i bikpela moa long ol yangpela i gat krismas namel long 14 na 23 yias.

Em i tok bikpela samting em long senisim pasin na asosiesen i wok long helpim wantaim ol aweanes program i sut long dispela samting.

Em i tok sampela ol samting we ol yut i go long em nau na mekim samting long helpim ol yet em long wokim ol kakau blok na fiseris projek wantaim helpim mani ol Non Gavman Ogenaisesen i givim long ol.



EASIPAY BAI KAMAP LONG BUKA LONG 22 OGAS, 2005

BAIM OL AUTSTENDING BIL BILONG YU NAU!

Toksave i go long ol lain i save yusim ilektrisiti o pawa long Buka olsem PNG Powr bai stat long konektim ol Easipay Mita insait long ol wan wan haus long namba 22 de bilong mun Ogas, 2005.

Easipay bai senisim ol dispela Kredit Mita we yupela i gat nau long haus bilong yupela.

Sapos yupela i gat ol bil bilong Kredit Mita i stap yet, i moabeta sapos yu baim bil bilong yu nau long wanem PNG Power bai katim pawa saplai bilong yu inap yu baim bil bilong yu.

Easipay em i gutpela long wanem:

- Yu ken baim hamas pawa long laik bilong yu
- Yu ken bosim hamas pawa yu yusim
- Yu no inap wari long ol bil long olgeta mun moa
- PNG Power i no inap katim pawa bilong yu moa

Yu mas lukluk long Post Courier na National Niuspepalong painim aut wanem taim bai ol PNG Power Kontrakta bai i kam long hap bilong yu long konetkim ol Easipay Mita.

Nau tu yum as larim wanpela lain bilong yu i stap long haus long helpim ol wokman i go insait long haus na wok.

Wok bilong konetkim ol Easipay Mita long ol haus bilong yupela i fri.

Toksave i kam long PNG Power Pablik Rilesens Seksen



Wel pam groas redi long kirapim wel mil

Steven Kadiko i raitim

OL wel pam groas long Wes Nu Briten i redi nau long sanapim wanpela wel pam mil o fektori bilong ol yet. Man i go pas long dispela tingting John Maneke husat em i bin namba wan rijinel memba bilong Wes Nu Briten long nesenel palamen i go pas long dispela tingting na em i pulim pinis bikpela tingting bilong ol groas.

Pes Asisten Sekretri long opis bilong Gavana bilong Wes Ne Briten Michael Turkia i tok provinsel gavman i redi tru long sanap bihain long dispela tingting bilong Mista Maneke na ol groas. Long wanpela kibung ol i kamapim long sampela taim i go

pinis wantaim ol groas long Sentrel Nakanai long ples graun yet bilong Mista Maneke, i gat bikpela lain groas i kamap na sapotim dispela tingting.

Mista Maneke i tokim ol groas olsem moa long tripela ten yia wel pam bisnis i stap long Wes Nu Briten na ol groas i wok long kisim liklik moni tasol long prut bilong ol na ol i no kamapim wel pam mil bilong ol yet long salim wel i go long ol maket long ovasis long kisim gutpela prais long en.

Mista Maneke i tok em i taim nau ol groas i mas sanap wantaim na kamapim sampela rot long strongim ol kain prais ol i kisim long wel pam bilong ol na wanpela long dispela rot em long sanapim wanpela wel pam fek-

tori o mil bilong ol yet. Em i tok maket o ples bilong salim wel long en long ovasis em i nogat hevi long en bikos i gat planti maket tru i stap na tu diman o krai bilong wel bilong wel pam em i bikpela tru long wol maket, tasol saplai i sot tru i kam long kantri.

Nau yet opis bilong gavana bai redim wanpela sabmisen o pepa bilong go insait long provinsel eksekutiv kaunsil (PEC), long kisim tok orait long ol long skelim moni i go long ol groas long halivim ol long mekim fisibiliti stadi o wok painimaut long dispela projek. Fes Asisten Sekretri Turkia i tok gavman i tingting long selim samting olsem 20 o 50 tausen kina long dispela stadi. Wanpela eria provinsel gavman bai halivim long en em

long kamapim ol polisi o lo long dispela fektori bai wok olsem wanem.

Ol groas husat i soim bikpela tingting o laik long sanapim dispela i papa long moa long 20 wel pam estet na planti long ol i stap long Sentrel Nakanai ples graun bilong Mista Maneke yet. Tasol i no klia gut yet hamas tru ol hekta i stap insait long dispela ol 20 estet.

Mista Turkia i tok tingting bilong ol groas i gutpela bikos em i taim tu nau ol papa graun na ol Papua Niugini manmeri i mas go insait long dispela kain bisnis bilong wel pam we nau yet long dispela taim ol mali milien bisnis kampani bilong ovasis i go pas long ol dispela kain bisnis.

Ol Bogenvil Sekretri kisim luksave

Aloysius Laukai i raitim

OL Sekretri long Bogenvil i kisim luksave aninit long nupela senis insait long Dipatmen bilong Bogenvil.

Etmnistreta Peter Tsiamalili i tok aninit long ol nupela senis we etministresen

i kamapim, ol bai aggre-tim na senisim nem bilong ol Sekretri i go long Opis Menesa long bihainim nupela wok ol bai mekim.

Mista Tsiamalili i tokaut long dispela long greduesen bilong 29 sekretri husat i save wok wantaim Bogenvil Etmnistresen na i bin pinisim wanpela wik kos long Buka Open Yunivesiti skul.

Dispela em namba wan long ol kos we Bogenvil Etmnistresen na Buka Open kempus bai go het long kari-maut olsem insevis na tu, long ol sekretri i lain-im na save long ol nupela samting i kamap long wok eria bilong ol.

Mista Tsiamalili i bin autim tok amamas bilong em long dispela kos na em bin tok bai i gat moa kos ol sekretri bai sindaun long em long skruim save bilong

ol. Em i tok etministresen i wok nau long rist-raksa o senis na taim dispela i pinis, ol bai etvataisim ol posisen o wok i go aut long pablik na husat i laik aplai i ken go het.

Em i tok wok bilong ol Seketeri nau i senis long planti moa wok ol i mekim antap long wok bilong taip na mekim ti bilong ol bos ol bin save wokim long ol yia bipo.

Profesa Subba Rao em man husat i bin kirapim Bisnis Menesmen long Skul bilong Bisnis Etmnistresen long Yunivesiti bilong PNG i bin go pas long em.

Long makim maus bilong ol sekretri, Loretta Masiria i bin autim tok tenkyu long ol lain i bin putim kamap long dispela kos.

Em bin tok planti taim, ol i save abrusim ol sekretri taim ol i makim ol wok manmeri long ol sotpela kos na dispela i save daunim laik long skruim moa save long wok bilong ol.

Long wankain taim tu, Misis Masiria i singaut long etministresen long senisim ol taipraitra long ol distrik opis long Bogenvil wantaim ol kompyuta masin.

Ruruvu skul kisim ol nupela buk

RURUVU Pramereri skul antap long ol maunten bilong Wakunai long Bogenvil i kisim ol nupela laibreri buk long Opis bilong Hai Komisin bilong Australia.

Skul i bin kisim ol buk we pe bilong ol inap long K7,000 aninit long Dairek Aid progrem bilong Hai Komisin Het ov Misin. Eksekyutiv Opisa bilong Bogenvil Edukesen Bot Dorothy Kenneth i bin prisenim ol buk i go long han bilong Hetmasta Albert Aisi insait long wanpela seremoni long Ruruvu yet. Mis a Aisi i tok ol skul insait long ol rurel

eria i laikim stret ol buk bikos ol sumatin i save lainim ol samting i kamap long PNG na wol. Olsem na em bin raitim pas i go aut long tupela embasi opis na em i amamas long gutpela bekim i kam long Hai Komisin bilong Australia.

Mista Aisi i tok stendet bilong skul i bin stap daunbilo tru taim em bin go nupela long skul tripela yia i go pinis na em bin tukluk long rot bilong helpim long apim stendet. Em i tok amamas tu olsem skul bilong em bai gat TV we bai helpim wantaim ol skul progrem. i

NAU KISIM KAINKAIN KAGO BILONG HAUS WANTAIM

DIPOSIT K1.00

Tasol



AKITA EN14-83N #101794
14" KALA TV
• saun sistem: BK,DK1 • gelm entatein-men • 255 posisenol sistem • remot kontrol

SEIVIM K50



ENZER E5518
DVD PLEIA #114861
• pilaim DVD, DVD-R, DVD-RW, VCD, SVCD, CD, MP3-CD, CD-R, CD-RW, pilksa-CD (mpeg)
Bipo Kes K399

SEIVIM K70



Fisher&Paykel 170T
170L BOKIS AIS WANTAIM TUPELA DUA #311751
• planti speis long putim kaikol • 2 pela dua • basket bilong putim ol frut na kumu
Bipo Kes K1,495

SEIVIM K100



AKITA XPB58-2000S #302740
5KG MASIN BILONG WASIM KOLOS
• planti wei long wasim • wei bilong sokim • planti wei long wasim wantaim wara
Bipo Kes K599

SEIVIM K50



Fisher&Paykel H220SL
220L BOKIS AIS #315727
• planti speis long halim kaikol • basket bilong halim kaikol • planti wei long klinin na rausim ais
Bipo Kes K2,495

SEIVIM K1,000



Fisher&Paykel H220SL
220L BOKIS AIS #315727
• planti speis long halim kaikol • basket bilong halim kaikol • planti wei long klinin na rausim ais
Bipo Kes K2,495

SEIVIM K1,000



COURTS

Edim valu OLGETA dei!

COURTS - GORDONS

Spring Garden Road, Gordons, Port Moresby
Ph: 302 5800 • Fax: 325 4349 • E-mail: sales@courts.com.pg

COURTS - LAE

Milfordhaven Road, Lae, Morobe Province
Ph: 472 4800 • Fax: 472 4621 • E-mail: courts.lae@courts.com.pg

Olgeta Dro bai igat NIUELA Praiz long...



Dei bilong Dro:
1st Oktoba, 2005

NAU IGAT BIKPELA MOA LONG

KES MONI

K25,000.00

K20,000.00

K15,000.00

K10,000.00

K8,000.00 or

K5,000.00

long Courts "Surprize" Dro bai Kamap long Sarere Oktoba 1st, 2005.

CIA-174/05

Operesen klinim ples

Timothy Lepa i raitim

POLIS long Lae i holim wanpela bikipela karamap spak brus o mariwana long Nadzab ples balus las wik taim em i laik go long balus ron i go long Mosbi siti.

Polis na sekyuriti bilong bles balus i bin kisim dispela bikipela bek we hevi bilong en inap olsem 9kg taim wanpela man bilong Simbu husat ol i holim em tu, i bin laik putim i go antap long wanpela liklik (ted levul) balus.

Lae Metropolitan Suprintenden Polis Komanda Simon Kauba i tok painim aut bilong dispela kago em i kaikai bilong "operesen klinim Lae" (OKL) we i ron inap tripela mun.

Morobe provinsel etministresen, Lae polis na Lae siti lokol level gavman i wokbung wantaim long kamapim OKL long daunim bikhet na raskol pasin we i wok long kamap strong insait long siti na ol liklik pes ausait long siksipela mun i go pinis.

OKL i makim tu namba wan taim bilong Wenge gavman long pait agensim ol dispela kain pasin bihain long suprim kot i painim olsem wok bilong Enhens Koporesen Program insait long kantri i no stret aninit long mama lo bilong PNG na ol bai i no inap helpim PNG long dispela rot.

Ol lain long praivet sekta o ol bisnis i bin gat strongpela bilip taim ol ECP i bin kamap na long Lae wankain tingting i bin i stap tu.

Ol i bilip olsem namba bilong ol polis bai go antap na dispela bai helpim long daunim ol bikhet pasin insait long siti na provins na ol no bin amamas taim dispela i no kamap.

Deputi Gavana Utika Siseta i tok klia olsem; "Morobe provinsel gavman i winim kes bilong ECP.

"Sapos Morobe provinsel gavman i mekim wok stret long dispela ol praivet na kopret manmeri bai tok pilai long nem bilong Morobe povinsel gavman na nem bilong ol bai bagarap we bai i lukim tu ol investa bai nogat bilip long kam insait."

Fek fail:

Morobe Gavman i luksave long ol dispela samting aninit long Operesen Klinim Lae:

- Opim liklik polis operesen
- Stretim bek olgeta strit lait, rot na wara baret insait long siti na namel long Lae na Nadzab
- Opim graun aninit long len mobilaisesen program
- Opim graun long bipo ples balus bilong sanapim ol bisnis

Provinsel gavman i bin tokaut long K180,000 bilong OKL na em i bin kisim sapot bilong Sam Sewe (Provinsel Eksekutiv Kaunsil) long miting bilong ol long 25 Julai na tok ol bai makim-K25 000 long operesen ya we bai i no lukluk long pait egensim bikhet pasin tasol na em bai stretim tu siti na kisim planti moa bisnis i kam insait.

Praivet sekta long namba wan taim bihain long planti yia i lukim tripela bikipela bodi bilong gavman i wok bung wantaim long pait agensim ol samting olsem raskol na bikhet pasin we i wok long bagarapim Lae.

Morobe provinsel gavman i givim mani long

ronim operesen na polis wantaim Lae Eben Lokol Level Gavman i givim ol wokman long mekim ol samting i kamap.

OKL klinim ples

I gat 11pela kain wok i stap aninit long OKL: dispela em long paitim bikhet pasin o kraitim, ol spesol polis reid i kisim mani long wok i go het na ol bai kamap long ol ples i gat nem nogut na long narapela tripela mun i kam provinsel gavman i makim K20 000 bilong dispela wok.

Ol reid em ol i makim long stat long 2-mail i go long 5-mail eria.

Narapela tupela rot em ol i putim long daunim raskol pasin insait long siti yet we bai lukluk long pasim ol lain i save salim bia na i nogat laisens bilong ol na tu bai ol i kamapim ol trafik rot blok.

Gavman i makim K20,000 bilong wok long pasim ol lain i salim bia husat i nogat laisens na K80,000 long wok bilong trafik rot blok.

Narapela eria bilong OKL i lukim Lae siti i kisim bikipela wok we i lukim em i luk nais tru na i no olsem bipo.

Dispela i lukim ol rot nogut bilong siti i stret na ol baret i klin, ol i rausim tu ol diwai na bus long sait bilong ol rot na haiwe long mekim em i seif na moa klin. Ol grup we i lukim tu ol kalabus bilong Buimo i katim daunim bus long olpela ples balus long Lae.

Em i wanpela bikipela tingting bilong ol manmeri long Lae siti olsem dispela bik bus long olpela ples balus i kamap ples we ol pamuk meri i save stap na wok na taim ol i klinim dispela ples i helpim long stopim dispela pasin. "Mipela bai kisim ol komyuniti insait long Lae long stap insait long klinim ples,

bihain bai mipela i brukim graun namel long praivet sekta long divelopim ol bisnis wok," Gavana Wenge i tok bihain long PEC i tokaut na lukluk long sabmisen bilong Steven Sep, siaman bilong Lo na Oda long Sam Sewe.

Gavana Wenge i tokaut tu olsem olgeta samting bilong amamasim namba 30 independens bilong PNG bai i no inap kamap long Sir Ignasius Kilage Stadium olsem olgeta narapela yia tasol ol bai kisim i go daun long olpela ples balus.

Dispela hap rot namel long 2-mail na 5-mail em i wanpela ples we raskol pasin i save kamap planti stret na ol pipel i save yusim dispela hap rot wantaim pret tingting long laip bilong ol olgeta taim.

Planti toktok na bel kros i kam long ol bisnis long planti hevi i save kamap long ol long dispela hap. Long stretim dispela hevi, provinsel gavman i makim K6,000 long klinim 2 mail i go inap 5 mail na siksipela komyuniti grup i kisim dispela wok.

"Ol hul long rot bai i klin long wan wan sait. Planti ol baret i pulap long pipia, gras i gro longpela na i luk nogut stret. Dispela olgeta pipia bai mipela i rausim," Mista Siseta i tok. Dispela ol lain husat i save go kam long dispela rot i ken pilim na luksave long wanem kain wok i kamap long hap aninit long dispela operesen.

Planti tok rot i luk gutpela moa nau na tingting bilong pret olsem ol raskol i save hait insait long bus em i no stap moa long het bilong ol. Antap long dispela holim bilong spakbrus, Polis i tok olsem raskol pasin long haiwe namel long Nadzab na Lae.

South Pacific Tourism ORGANISATION

Namba 5 Baienuel Konfrens bilong ol Minista "Turisim: Invesmen bilong bihain taim bilong yumi"

Miting Ples: Holiday Inn Ballroom 17 - 18 Oktoba 2005

Ol lain husat bai tokok ba givim ol pepa long ol dispela samting:

De 1: Mande 17 Oktoba

Sesun A: Invesmen - Dokta Harsh Varma
Sesun B: Ol Baku Kampani (Airlines) - Mista Andrew Drysdale
Sesun C: Marketing - Mista Andrew Fairley

Bungim bilong kaikat bilong ol paitim tok long De namba 1

De 2: Tunde 18 Oktoba

Sesun D: Saetanabol Turisim o turisim we i ken wok long taim - Dokta Steve Noakes
Sesun E: Poveti Ridaksen o daunim hevi bilong nogat gutpela silidau - Dokta Trevor Sofield
Sesun F: Intensibil Herites o tumbuna pasin - Mista Mall Voi
Sesun G: PNG Kes Stadl long Saetanabol Turisim - Mista Robert Igara

Bungim bilong kaikat bilong ol paitim tok long De namba 2

Dorosek Deleget Rejistreren Pepa

Nam/ol nam	Nem bilong Kampani o opis
1.	Telepon:..... Feks:.....
2.	Email:.....
3.	Atres:.....
4.	

Yu wanpela memba bilong PNGTIA?
Maidm bokis Yes No

K50 wanwan manmeri (Insait long de 1 na de 2)

Yu kan salim peimen bihainim Dairek Diposit i go long 5th South Pacific Tourism Conference Account No. (294) 100 1053852 Bank South Pacific, Port Moresby. Feksim kopi bilong diposit wantaim rejistreren i go long PNGTIA Fax: 3200223 na putim nem bilong Jim o long TEC Fax: 3201995 na putim nem bilong Dorothy. Ol Memba bilong PNGTIA, sapos yu laik rejista, plis ringim PNGTIA opis.

Ol lukim website bilong mipela: www.spto.org

Ol bikipela sponsa:

Ol sponsa i sapot long en:
Crown Plaza, Holiday Inn, Jason's Media Travel, Hertz, Post PNG na Coral Sea Hotels

Dispela wok i kam ananit long lukaut bilong:

TOTAL EVENT CO.



• Tingting i strong long kopi: Ol dispela fama bilong ples Megiar long Madang provins i bin bung wantaim ol wok man bilong Kopi Industri Koporesen i no long taim i go pinis long autim strongpela tingting bilong ol long groim kopi. Bihain long ol i kisim stia tok long groim kopi, ol i tok ol bai kirapim moa kopi long ples. Foto: J/KILA

Volibol bai makim independens long Madang

Michael Novingu i raitim

MADANG bai holim Nesanel Volibol Sempionsip stat long namba 16 de bilong mun Septemba long makim tripela ten krismas bilong kantri bilong yumi i kisim independens. Dispela em i bikipela sempionsip we planti ol arapela provins i tokaut long kamap long dispela taim.

Ol provins i tok orait long kamap long dispela sempionsip, NCD, Sentrel, Manus, Noten Provins, Wes na Is Nu Briten, Westen Hailans, Isten Hailans na Bogenvil.

Ol as ples Madang yet bai i gat tupela asosiesen em Riwo na

Sarang we em namba wan taim bilong ol long kamap long dispela kain tonomen. Ol arapela provins olsem Is na Wes Sepik na Morobe bai toksave bihain long ol bai kamap o nogat. Dairekta bilong dispela tonomen, Steven Kadam i tok ol wok rere bilong dispela tonomen i wok long kamap gut.

Na tu, ol sampela bisnis haus long Madang i tokaut olsem ol bai givim helpim long dispela tonomen.

"I tru i nogat sapot yet i kam long ol memba bilong Palamen bilong Madang i makim dispela tonomen long amamasim tripela ten krismas bilong yumi," Mista Kadam i tok. "Mipela i makim

pinis Willy Bagore olsem siaman bilong ogenaising komiti we em i wok bung wantaim Nesanel Volibol Federesen. Em i singaut long ol arapela provins long wok bung na stretim wokabout bilong ol long kamap long Madang.

"Mi laikim yupela i mas peim ol fi bilong yupela hariap bai mipela i stretim ol haus slip na kar na ol arapela samting bilong yupela," Mista Bagore i tok.

"Sapos yupela i laik kisim moa toksave, plis ringim Mista Steven Kadam long telepon namba 853 3089 o 852 1352 o email long em long geo@daltron.com.pg. Na toksave tu olsem bai i gat enuel jenerel miting long Septemba 18 long Madang."

Goroka redi long lukautim ol pasifik lida

... Namba 16 Melanesian Spearhead Group (MSG) kibung bai stat long Ogas 15 inap Ogas 21 bai pinis.

Sape Meta i raitim

OL pipel long Goroka, Isten Hailans provins i sambai long tok welkam long ol lida na ol hetman bilong ol dipatmen insait long Pasifik rijen husat bai kamap long Goroka stat long Sande bilong sindaun long bikpela Melanesia Spiahet Grup Samit (MSG) kibung we bai i

kamap long Mark Solon oditorium long Yunivesiti ov Goroka (UOG).

Dispela namba 16 MSG samit bai lukim tu moa long 70 nesanel palamenteri lida na ol arapela bikman long ol wan wan dipatmen husat bai kamap long dispela bung.

Ol lida na ol bikman long Pasifik husat bai kamap em ol bai kam long Nu Kaledonia, Vanuatu, Fiji,

Solomon Allans na PNG yet.

Nau yet ripot *Wantok Niuspepa* i kisim long opis bilong Goroka memba na Minista bilong Intenel Sekyuriti, Bire Kimisopa i tok ol pipel long Goroka i redi na amamas tasol long tok welkam long ol lida na ol bikman ya taim ol i kamap long Goroka.

Ripot ya i go moa na i tok, nau yet ol opisa bilong Mista Kimisopa na

Isten Hailans Provinsel Gavman i wok long stretim ol skul pikinini na ol tumbuna singsing grup long kamap long Goroka ples balus na givim bikpela welkam long ol lida ya husat bai kamap long dispela Sande.

Wantok i kisim tu ripot i kam long UOG olsem ol wokman na sumatin i stretim na bilasim pinis oditorium we dispela bikpela kibung bai

kamap. Mista Kimisopa i stretim tu ol as ples lain long Masy viles, tupela kilomita ausait long Goroka taun husat ol bai kamapim ol pasin tumbuna taim ol i kamap long hap long kisim liklik malolo bihain long bikpela kibung.

MSG samit ya bai stat long Mande, Ogas 15 na bai pinis long Sande Ogas 21.

Salvesen Ami bung long Goroka

Sape Metta i raitim

PLES i bin paia stret long Goroka biktaun bilong Isten Hailans taim moa long 3,000 sios memba, lida na kongregesen bilong Salvesen Ami i bin kamap long bikpela Not Isten divisen kongres we i bin stat long Fonde, Ogas 4 na pinis long Sande Ogas 7.

Ol sios memba i bin kam long Enga provins, Simbu, Westen Hailans, Morobe na olgeta kona bilong Isten Hailans olsem Kainantu, Okapa,

Henganofi, Lufa, Asaro/Watabung na Goroka yet long sindaun long dispela bikpela bung.

Het tok bilong dispela kongres em "Exalt the master-Embrace the mission."

Ol sios memba i bin kamapim ol kain kain program we ol yut grup, wimens felosip, men's felosip (hausman), na ol arapela grup bilong ol yangpela i bin putim aut ol drama, gospel na kwaia singsing na ol arapela samting tu olsem ol tisa program long sait bilong pasin pamuk, sik HIV/AIDS, rilijen,

kalt, gutpela sindaun bilong ol manmeri na ol yangpela, na ol gutpela na nogut sait bilong ol komyuniti wok we i wok long kamap nau long dispela taim.

Not Isten rijenel divisen opisa, Kepten David Temine husat i bin go pas long stretim dispela bung i tok kongres ya we i save kamap long olgeta yia em long givim sans long ol sios lida, ol memba na kongregesen we ol i ken kamap na bung long kisim ol gutpela skul long sait bilong spiritual, mental na moni sindaun na wokabaut bilong ol.

"Dispela em i namba wan taim bilong Goroka long holim dispela kongres, rai gat bikpela amamas tru long lukim bikpela namba bilong ol sios memba, lida na kongregesen long kamap na sindaun long en," Kepten Temine i tok.

Ges spika husat i bin kamap long kongres em Sief Sekreteri-Lutenent-Kenol James Condon na meri bilong em na Teritorial Sekreteri bilong ministri bilong ol meri, Lutenen Kenol Jan Condon.



• Dispela bikpela masin bilong karim ol bikpela ain bilong mekim bris em ol as ples manmeri i save aigris tru long en. Foto: JAMES KILA

Japan kampani stretim ol Hailans Haiwe bris

James Kila i raitim

PLANTI manmeri husat i save ron long ol PMV na ol arapela bikpela trak long Hailans Haiwe i guria tru long lukim wok i go het long stretim 5-pela bris long Kainantu.

Ol manmeri i ai op stret long lukim dispela kain nupela masin em ol dispela lain i wok long yusim long mekim wok bilong ol long wokim ol dispela wanpela lein bris i go kamap olsem 2-pela lein o hap em ol kar i ken yusim long ron i go kam.

Wanpela bikpela konstraksen kampani bilong Japan, Fujita Koporesin i wok long yusim ol bikpela kain masin ol i kolim krein long apim ol bikpela ain na redim ples bilong sanapim nupela bris.

Dispela wok em Japanis Intanesenel Koporesin Ejensi (JICA) i makim moa long K10 milien long stretim ol bris long Hailans Haiwe.

Dispela 5-pela bris projek em namba wan hap bilong wok JICA i givim moni long mekim wok kamap.

Ol dispela bris em Orompaka, Ofiga, Onompinka na narapela tupela moa bris.

Planti ol as ples manmeri i save go sanap na aigris stret long ol wok dispela ol lain saveman bilong Japan i save mekim. Ol dispela lain i no save malolo.

Dispela 5-pela bris em Fujita Koporesin i wok long kamapim wok long en pastaim long em i stat givim hat taim long ol kar long abrusim ol yet i go kam.

00006822880

PAPUA NEW GUINEA
Associations Incorporation Act

Reg. Sec.2.

Form 1

NOTICE OF INTENTION TO APPLY FOR THE INCORPORATION OF AN ASSOCIATION

I, Mr. James Wapa of P.O. Box 7091, Boroko 111, NCD, person authorized by the committee of the association known as:

Yandigia Association Inc.

give notice that I intend to apply for the incorporation of the association under the Associations Act.

Incorporation Act.

The following are the details of the prescribed qualifications for incorporation as specified in Section 2 of the Act:

- (a) The association is formed for the purpose of -
1. To mobilize all off-springs of the clans of Yandigia Tribes.
 2. To protect the inheritance and in particular the customary land and customary significant heritage areas of the tribe.
 3. To mobilize the clansmen for the purpose of social-economic development and
 4. To use the association as a forum to enlighten the people on issues affecting their Well-being.
 5. And any other objectives as determined by the Association from time to time.
- (b) That the association will apply its profits (in any) or other income in promoting its objects; and
- (c) That the association will prohibit the payment of any dividend of payment in the nature of a dividend if its members.

This Notice has been approved by the Deputy Registrar of Companies.

Dated: 01 May 2005

Deputy Registrar of Companies

NOTE: - A person may within one month after the publication of this notice, lodge with the Registrar an objection to the incorporation of the proposed association in accordance with Section 4 of the Act.



YAMAHA PRE-INDEPENDENCE

LIMITED OFFER

E40XHML-R

- 40hp Enduro
- 2 Cylinder, 2 Stroke engine
- Tiller Handle Manual Start
- Fitted with Overheat warning device

Special Price

K8,990

Price Includes GST

Ela Motors

Port Moresby Ph 322940 • Lac 4781800 • Kokopo 9829100 • Madang 8522188
Wewak 8562255 • Kavieng 9842788 • Kimbe 9835155 • Tabubil 5489060
Vamino 8751254 • Buka 9739915 • Lihir 9864099 • Alotau 6410100

Offer Expires: 31 / 09 / 2005 or While Stocks Last.

Available for immediate delivery

OL NCDC wokman noken paitim ol man

OL wokman bilong Nesenel Kapitel Distrik Komisnin (NCDC) i noken paitim ol manmeri husat i salim samting bilong ol aninit long infomol sekta ekt bilong wanem dispela em i no stret long ai bilong lo.

Dispela toktok i kam long opis bilong Konsaltativ Implimentesen na

Monitoring Kaunsel (CIMC) bihain long wanpela man i go lukim ol wantaim sampela bagarap long skin bilong em.

CIMC i tokaut olsem Amos Pajabe husat i kisim taim long han bilong ol NCDC opisa las wik Fonde taim em i salim ol samting bilong em i stap.

Oi i tok Mista Pajabe i wok long raun long

wilwil na salim buai na smuk bilong em i stap long bas stop long taun taim eitpela infomol sekta inspekta bilong NCDC i ronim em na paitim em nogut tru.

Em i tok bihain ol i kisim ol samting bilong em na paus bilong em wantaim K25 bilong em i stap insait.

CIMC program kodineta bilong infomol sekta John Varey i tok i

gat planti ripot i kamap long planti manmeri i save kisim taim long han bilong ol NCDC inspekta nau long dispela taim we NCDC i laik strongim infomol sekta developmen na kontrol ekt.

"Kain samting olsem i kamap long Amos i wok long kamap planti insait long siti nau," Mista Varey i tok.

Em i tok paitim ol manmeri na ol lain aninit long infomol sekta ekt bai i no inap long senisim o daunim ol bikpela hevi long sait bilong helpim sindaun bilong ol pipel, wok moni o sidaun namel long ol pipel long komyuniti bilong ol wan wan we NCDC aninit long infomol sekta ekt i laik traun long stretim.



¥ Amos Pajabe, wanpela man husat i save salim buai smuk raun i kisim bikpela pen long han bilong ol NCDC Inspekta.

Inap olsem wanpela mun i go pinis NCDC i tokaut long ol ples we ol manmeri i laik salim ol samting bilong ol i ken i go na i noken maket arere long ol bas stop na pablik ples olsem ol i save mekim bipo bilong wanem ol i save mekim ples i luk nogut wantaim spet buai na planti pipia.

Siti Menesa Peter Loko long dispela taim i bin singaut tu long ol manmeri long harim dispela toksave na bihainim bai siti i ken i stap kiin.

Dispela taim i kam inap nau ol NCDC inspekta i save raun long kar long lukim

olsem i nogat man o meri i salim samting long ol ples we NCDC i tok nogat long en.

CIMC i tok husat ol maket lain i painim kain hevi olsem Amos i mas go ripot long polis na tu olsem rait bilong ol, ol i ken toktok wantaim infomol sekta loya, Mista Gaure Odu bai em i ken kisim kain samting olsem ol bikhet pasin i go long kot.

Sapos ol manmeri i laik save moa long wok bilong CIMC, ol i ken ringim Mista Varey.

Tupela man wantaim i stap long telepon namba 321 1714 o 320 3728.

Ol yut i wok agrikalsa

SAMTING olsem 1000 yut bilong 9-mail setelmen ausait long Pot Mosbi i givim baksait long bikhet pasin na i lukluk long agrikalsa long helpim sindaun bilong ol.

9-mail em i wanpela ples insait long NCD we i gat nem nogut long planti bikhet pasin i save kamap na dispela pasin ol yut i mekim em i bikpela senis tru insait long komyuniti bilong ol.

NCDC i lukim dispela na ol i sapatim ol dispela memba bilong Not Is yut kaunsel wantaim ol samting ol i laikim long mekim projek bilong ol i go het.

Las wik Fonde, ol opisa bilong NCDC i givim wanpela wara pam, sampela sid o pikinini kaikai bilong planim na ol tuls o samting bilong wok we i kos i nap olsem K9000 i go long 40 yut long liklik gaden fam bilong ol long 9-mail yet.

Dispela i kamap aninit long 'Yumi Lukautim Mosbi Projek', wanpela lo na oda program aninit long PNG gavman na AusAID na as tingting i stap long en em long mekim Pot Mosbi i kamap wanpela seif na gutpela ples bilong ol pipel.

Liklik fam bilong ol yut i gat 10-pela bet, tasol ol i kisim kaikai long en pinis.

Bihain ol i stop liklik long wok bilong wanem i nogat we long kisim wara i kam long ol kaikai inap stori bilong ol i go kamap long NCDC we ol i kamap long helpim bilong ol.

"As tingting bilong dispela em long helpim yupela long putim sampela samting i go daum insait long graun bai yu ken kisim bihain taim long kaikai, salim na kisim moni na bikpela samting tru em bai yupela i ken lusim ol bikhet pasin na stap gut," Sosol Sevis Menesa bilong NCDC, Dixon Dama i tok taim em i givim ol samting i go long han bilong ol yut.

Em i tok wanpela gutpela samting long dispela projek em olsem em i stap pinis na ol bai i kam insait long givim han tasol long wanem ol i sot long en.

Mista Dama i tok tu olsem narapela tingting em long mekim ol dispela man i gat samting long wokim bai ol i ken lus tingting long bikhet pasin bilong ol na stap gut.

KunduSaver Account

A Bank South Pacific
 KunduSaver is so convenient,
 it's like having the bank
 in your pocket

EFTPOS
access at over
1000 outlets

No minimum
account balance

Internet and phone
banking access

Access
to over
90 ATM
sites

ATM
transfers
are
fee free

EFTPOS
transactions
are fee free

Transactions
are fee free

BillPay
transfers
are
fee free

Kundusaver account holders are issued with a BSP KunduCard, giving access to ATM's, so you don't have to visit the bank to withdraw cash. So, visit your nearest BSP branch to start enjoying your own KunduSaver account, right away.

Bank South Pacific offers our customers the lowest cost transaction account in Papua New Guinea.

MONTHLY ACCOUNT BALANCE CHARGES*	
K3000 or more	- Nil
K2000 to K2999	- K1 per month
K1000 to K1999	- K2 per month
Less than K1000	- K3 per month

*calculated on average monthly balance

www.bsp.com.pg

Only a nationally owned bank like BSP understands PNG banking needs.

BSP

Raun lukiuk long ol meri na pikinini



Ol dispela skul pikinini bilong Gabagaba Praimeri skul long Sentrel Provins i sindaun isi na harim ol toktok bilong ol bikman i stap.



Ol skul pikinini ya i kam gut long dresap long ol klos bilong ol feveret kantri na karakta bilong ol. Yu ken lukim ol putim klos bilong India, Tailen, Afrika, nes na moa.



Ol mama na ol yangpela meri i amamas long selebretim Bukwik Lons.



Ol mama i bun ya! Dispela em sampela long ol lain Gabagaba Wimens grup husat i save mekim bikpela hatwok long redim ol kaikai na dring taim ol bikpela samting i kamap long ples. Ol Foto: VERONICA HATUTASI

Jaintong laikim sapot i go long ol Bogenvil wido

James Kila i raitim

WANPELA meri lida long Bogenvil i laikim bai Otonomes Bogenvil Gavman i helpim ol wido o ol meri husat man bilong ol i bin dai insait long Bogenvil hevi.

Theresa Jaintong, wanpela longpela taim meri lida bilong Bogenvil i mekim dispela toktok i no long taim i go pinis long wanpela bung i kamap long Goroka.

Ol meri na pikinini em i laikim bai i kisim helpim em ol lain we ol i bin kilim dai papa bilong ol long Bogenvil hevi.

Na nau, ol dispela wido na wan mama tasol i painim hat tru long peim ol skul fi long ol pikinini.

Toktok bilong Misis Jaintong i bin sut long strongim famili yunit na ol pikinini long kamap gutpela na sapotim Otonomes Bogenvil Otonomes Gavman.

Em i tok wanpela bikpela samting we ol Bogenvil meri i toktok

long strongim nau em sindaun bilong famili..

"Mipela i laik strongim hauslain na wanpela. Olsem na ol meri i gat bikpela wok long famili. Ol i gat wok long givim gutpela skul long ol pikinini. Taim mipela i toktok long ol man long ol kastom bilong mipela, ol i mas givim luksave," Misis Jaintong i tok.

Em bin tok moa olsem long strongim gutpela sindaun long Bogenvil, wanpela eria bilong lukluk long en em long katim liklik hap mani mak long takis we Otonomes Gavman i kisim long ol pipel na putim long wanpela tras fan bilong helpim ol wido na ol pikinini we ol bin kilim dai ol papa bilong ol long taim bilong Bogenvil hevi.

Long dispela taim long Bogenvil, planti pikinini we papa i dai long hevi i no go skul bikos ol mama i nogat mani long peim skul fi bilong ol.



¥Tupela pikinini Bogenvil i laki bikos papamama bilong ol i stap laip. Tasol planti bilong ol we ol bin kilim dai ol papa bilong ol i no laki tumas na ol i kisim taim.

Lo bilong Lukautim ol Meri



OL meri/mama i gat rait long kisim gutpela malolo pastaim long namel na bihain long karim pikinini. Planti meri i save wok long longpela awa na ol i save wok hat moa. Hatwok bilong ol i save go long helpim ol famili bilong ol yet wantaim wok bilong kantri tu. Tasol planti taim, gavman na famili i no luksave long wok bilong ol.

- Ol meri i gat rait long yumi i luksave long hatwok bilong ol.
- Ol meri i gat rait long sanap bung wantaim aninit long olgeta han bilong lo.
- Ol meri i gat rait long olgeta bikpela wok bilong helpim ol long kisim wankain luksave long olgeta sistem bilong gavman.

Moa long neks wik.

Sotpela Tok Lukaut

Skruiim Tok long HIV/AIDS

Bai yumi lukluk long "Living Positively" taim yu gat binatang bilong AIDS

Hop na ol arapela i luksave long yu na i no wokim nogut long yu tasol mekim gut long yu olsem wanpela long ol i iken helpim yu long stap gut, maski yu gat H(IV/AIDS.

Tasol "Living Positively" i min wanem?

Bai yu painaut taim yu ritim long ol toktok we bai kamap long dispela pes na seksen long ol Wantok isu i kam. Bai yu ritim long ol wei ol famili, poroman na ol neiba i kien helpim ol pipel i gat sik HIV/AIDS long stap gut.

Famili i bikpela samting long ol pipel i gat HIV/AIDS.

Famili haus em i ples we man o meri o pikinini i save pilim olsem laik pasin i stap

Em i ples we ol bai giaman long haitim trupela pilings bilong ol.

Ol Toktok i kam long liklik buk, "Living with HIV/AIDS Moa long neks wik.



Kuk Kona wantaim MERI WANTOK

Fresh Banana Porridge (Gutpela bilong ol pikinini)

Yu mas i Gat

- 1-pela mau banana yu mekmekim
- 1-pela Tispun tapioka yu sikirapim, taro o kaukau
- 1-pela Tispun suga
- 1-pela kap milk

We long Kukim:

- 1-Miksim ol kaikai we yu sikirapim wantaim liklik hap milk.
- 2-Hitim milk we yu lusim i stap. Taim em i hot liklik, kapsaitim ol miksa na tanim inap miksa i boil. Larim i boil long sampela minit.
- 3- Edim o putim i go banana yu mekmekim pinis.
- 4- Taim em i kuk sevim wantaim milk.

Madas Yunien bai kirapim senta bilong helpim

Veronica Hatutasi i raitim

Madas o mama Yunien grup bilong Angliken Sios long Pot Mosbi Daiosis i laik skruim helpim i go long ol pikinini we papamama bilong ol i dai pinis long HIV/AIDS sik na tu, ol yangpela meri.

Sekretri na wanpela trena bilong HIV/AIDS program wantaim Angliken Madas

Yunien Louis Wena i tok grup bilong em i salim wanpela askim pas i go long Embasi bilong Japan long helpim ol wantaim mani long sanapim wanpela senta bilong givim kaikai long ol "ofen" o ol pikinini we papamama i dai lusim ol.

"Mipela i tingting long sanapim wanpela senta bilong givim kaikai long ol ofen neks

ya. Mipela i wetim bekim pas bilong mipela we mipela i salim i go pinis long Embasi bilong Japan. Mipela i gat tingting tu long sanapim ples slip bilong ol singel meri," Misis Wena i tok.

Ol Angliken Sios Madas Yunien meri i save karimaut ol program we i sut long ol komyunuti, spirituel na fisikel sait long helpim ol trangu, ol lain we

komyunuti i no luksave long ol na ol meri na yangpela.

Long Autris program bilong ol, ol i save go lukim ol kalabus lain, ol sik manmeri long ol haus sik na ol HIV/AIDS kea senta insait long Pot Mosbi sifi. Ol i save go tu long Laloki Mental Klinik long lukim ol sik manmeri. Long olgeta lukluk raun bilong ol, ol i save karim kaikai na

klos na toktok na beten wantaim ol tu.

Long wankain taim tu, Madas Yunien i gat Ret Riben Klub we i save skulim ol mama na meri i gat HIV/AIDS long kuk na somap. Dispela em long traim helpim ol long noken gat planti wari na tu, long givim ol save na ol i ken wokim samting long kisim mani na sapotim ol yet na famili bilong ol.

TOKTOK NATING
Wantaim
Fr. Paul Liwun SVD



STORI bilong mi long dispela wik i bin kamap long wanpela peris insait long Wabag Daiosis, long Enga provins yet.

Mi bin wok long Mang peris insait long Kandep Distrik long yia 1994 - 1996. Planti samting mi bin wokim wantaim ol pipel bilong dispela peris, na tu planti samting mi bin lainim long ol. Planti gutpela samting mi bin wokim na bungim insait long dispela peris i olsem skul bilong laip bilong mi.

Long taim mi bin kamap, i gat wanpela strongpela gutpela pasin i stap long peris. Mi, wok bung wantaim ol katekis long promotim Buk Baibel insait long wan wan femili. Bikos mi save olsem, planti Katolik femili, ol i nogat Buk Baibel bilong ol yet. Sampela bilong ol i gat wanpela taim tasol long harim Tok bilong God long Sande insait long haus lotu. Narapela de, ol i no save ritim o harim tok bilong God insait long femili.

Olsem na mipela i bin givim strongpela tok long ol manmeri i mas baim wanpela Buk Baibel bilong femili bilong ol yet. Mi bin kirap nogut tru, bikos bekim bilong ol femili i gutpela tru. Olgeta Katolik femili i bin givim mani bilong ol long baim wanpela Buk Baibel bilong ol yet. Mi tok, "mi kirap nogut", bikos mi save olsem planti bilong ol i no save rit na rait, ol i tu i bin lukluk i go long pes bilong Buk Baibel i stap op long fran bilong ol. Ol i bin wokim olsem ol i save rit. Tasol mi painim aut bihain olsem, pes bilong Buk Baibel i stap op long fran bilong ol i no wankain olsem mipela i bin ritim i go long ol long taim bilong lotu.

Narapela samting i bin meklam mi kirap nogut tu, em long taim bilong misa insait long haus lotu. Ol i bin kam long haus lotu, karim buk Baibel bilong ol. Ol i bin putim naispela tru insait long bilum bilong ol, na taim ol i kamap long haus lotu ol i bai opim na putim long pes bilong ol. Taim Katekis o mi ritim antap long alta, ol lapun, husat i no save rit na rait, ol i tu i bin lukluk i go long pes bilong Buk Baibel i stap op long fran bilong ol. Ol i bin wokim olsem ol i save rit. Tasol mi painim aut bihain olsem, pes bilong Buk Baibel i stap op long fran bilong ol i no wankain olsem mipela i bin ritim i go long ol long taim bilong lotu.

Ating sampela bilong yupela i no bilipim dispela stori. Tasol dispela em i trupela stori. Husat manmeri i bin stap long Hailans, yu bai save olsem planti lapun long ples i no save rit na rait, tasol ol i gat bikpela hangre tru long tok bilong God i stap long Buk Baibel.

Wanpela taim mi bin askim wanpela lapun meri taim mipela i bin wokabaut i go long Gereng wanpela autesen i stap long bikpela bus ples. Mi save wokabaut long 12 o 13 aua na kamap long dispela ples. I nogat rot bilong ka. Pastaim long kantri i kisim independens kar inap go na kam long dispela ples. Tasol bihain long independens nogat wanpela divelopmen i bin kamap long dispela ples.

Taim mipela wokabaut long rot, mi bin askim wanpela lapun meri husat i wokabaut wantaim mipela. Em i no save rit. "Bilong wanem yu baim Baibel? Yu no save rit?"

(Mi bin askim long pisin na wanpela bot i bin tanim tok long helpim em). Bekim bilong em i bin meklam mi kirap nogut tru. Em i tok; "Pikinini!!! Mi no wari. Maski mi no save rit, tasol mi amamas long karim Baibel wantaim mi. Mi amamas Baibel i stap long haus bilong mi. Bikos tok bilong God i stap long dispela Buk Baibel i stap wantaim mi na femili bilong mi. Mi pilim strong long dispela. Tasol mi save askim pikinini bilong mi long ritim Tok bilong God long mipela long femili bilong mi".

Planti manmeri i no save long rit na rait. Tasol ol i laik i gat Baibel bilong ol yet na ol i hangre tru long Tok bilong God. Na yu yet i gat Baibel o nogat?



"MAN I BILIP LONG LO BILONG GOD"

Bikpela, tok bilong yu bai i stap oltaim oltaim. Em i stap strong long heaven. Yu save bihainim tok bilong yu oltaim oltaim. Yu pitim graun i stap long ples bilong en, na i stap olsem na i no save surik. Yu yet yu bin tok na olgeta samting i stap olsem inap long nau. Long wanem, olgeta samting i save meklam wok bilong yu. Sapos mi no laikim tumas lo bilong yu, orait inap long yu meklam save long mi na mi dai. Mi no ken lusim ol lo bilong yu, long wanem, mi bihainim ol na yu meklam mi i stap laip. Mi bilong yu tasol, olsem na yu kisim bek mi. Oltaim mi bihainim tok bilong yu. Ol man nogut i hait i stap bilong kilim mi i dai. Tasol mi save tingting long olgeta lo bilong yu na mi wari long ol. Mi save nau, i nogat wanpela samting i gutpela tru. Tasol tok bilong yu i nambawan tru na em inap long olgeta samting long olgeta de. **BUK SONG 119: 89-96**

Gutpela papa bilong ol Mendi Katolik i dai

GUTPELA papa na bisop bilong ol Katolik pipel long Sauten Hailans moa long 30 krismas i bin dai long las wik Fonde long ples bilong em long Amerika.

Bisop Firmin Schmidt OFM Cap husat i gat 86 krismas i bin dai long ples bilong em long Kansas, Amerika bihain long em i lapun na sik.


Mama i bin karim Bisop Firmin long liklik fam long Kansas long Oktoba 12, 1918. Em bin yangpela long 5-pela pikinini.

Em bin kisim gutpela skul na gutpela, tasol hatpela famili laip i bin redim em long bihain taim bilong em long wok na laip long PNG.

Em bin go long Kapusin seminari skul long Kansas yet na kamap pater long yia 1946.

Bihain long dispela, em bin skruim skul na kisim doktoret long Tioloji na kamap Profesa tisa long Kapusin Skripsa skul long bik siti Wasington.

Singaut bilong Papa Santu Pop John 23 long kam long PNG i bin meklam em i lusim dispela wok. Olsem na long yia 1959, em bin kam long PNG na kamap bos bilong ol Kapusin Misin long Sauten Hailans. Sikspela yia bihain



• Leit Bisop Firmin Schmidt OFM CAP

long Disemba 1965, em bin kamap bisop. Long Novemba 15, 1966 taim ol Misin Teritori long PNG i kamap aninit long nupela straksa olsem ol daiosis, leit Bisop Firmin i bin kamap namba wan bisop bilong Mendi daiosis.

Na wok bilong em i bin kirapim na strongim wok bilong sios taim daiosis i stap olsem liklik bebi, i gro ap na em i kamap strongpela. Aninit

long lidasip bilong em, daiosis i bin kirapim 14-pela peris na 300 autsesen.

Planti tausien pipel i kisim baptismo, em i opim bikpela Katekis Trening Senta long Erave we planti handret katekis i kisim skul long em.

Ol bin kirapim tu planti Pastorel senta long daiosis bilong holim ol ritrit na woksop bilong strongim ministri bilong Gutnius.

Em bin tok oraitim tu kirapim bilong sampela lei ministri na kamapim namba wan Daiosis Pastoral Kaunsil we pipel i ken autim tingting bilong ol long ol na strongim wok bilong sios.

Klostu long lewa stret bilong en em long kirapim wanpela sios komyuniti bilong ol Sister ol i kolim long Fransiskan Sisters ov Mary kongrikesen.

Bikpela samting em ol pipel, ol misinari, pater na ol lei misinari husat i bin wok wantaim em i laikim em tru.

Em bin givim luksave long ol lain na givim wok long ol na spotim gut ol.

Em bin trupela papa, brata na wokman bilong Bikpela. Bisop Firmin i bin ritara na go bek long asples bilong em long Amerika long 1995 we Bikpela i bin singautim em long kisim malolo long las Fonde.

Ol Katolik pipel long Mendi Daiosis, ol misinari na olgeta lain i bin save long em bai tingim em wantaim gutpela bel na laik pasin.

Ol bin wokim funereel semis long Sen Joseph's Sios long Hays, Kansas long dispela wik Tunde Ogas 9 na planim em long Kansas yet.

ELC/PNG selebretim 119 yias

Paulus Tali i raitim

EVANJELIKEL Luteran Sios i bin karimaut sampela program bilong em insait long dispela mun Ogas.

Long Sir Ignatius Kilage Stadium long Lae, moa long 1,500 Luteran Sios manmeri na pikinini i bin bung long amamasim namba 119 krismas bilong ol misinari i bin kam na planim Tok bilong God long PNG.

Pasto Yabo Sabo husat i save go pas long Baibel long Madang distrik i bin tok Luteran Sios i wok long kamap strong long autim Gutnius i long ol manmeri insait long kantri.

Em i bin askim ol Kristen long luksave na tok tenkyu long ol namba wan misinari husat i bin karim Gutnius i kam long PNG.

Long wankain taim tu, moa long 400 Papua distrik Luteran mama i bin stap insait long konfrens bilong ol we i bin kamap long Marimari Sios long Godens long Mosbi siti.

Namba tu distrik presiden, Reveren Gundu Guenu Kali i bin salensim ol Kristen long pasin bilong tude na tokim ol long givim helpim long ol lain i sot long samting na ol lain i no kisim yet Gutnius.

Ol Kristen i bin putim spesol ofa long helpim ol lain long ol refuji kem i stap long ol boda ples olsem long Tabubil, Kiunga na Irian Jaya.

Long ol arapelsa Luteran Sios nius, singaut i go long ol meri na ol mama bilong Madang bikples na Karkar Ailan i stap long Mosbi long kirapim wanpela grup bilong ol meri yet na go insait long wok ministri bilong sios.



• Ol meri Oro i danis tumbuna long makim ol i kisim konfrens long neks yia 2006.

Yunaitet Sios redi long kibung

Veronica Hatutasi i raitim

YUNAITET Sios long PNG i meklam ol wok redi nau long mini sinod o liklik kibung bilong ol Eben Rijen.

Dispela wanpela wik bung bai stat long Fraide Ogas 19 na bai ron inap Fraide, Ogas 26.

Bisop i go pas long ol wok bilong Yunaitet Sios Eben Rijen long PNG, Bisop Oika Gabutu i tok dispela em i namba wan bung bilong Rijnel Eksekutiv Komiti bilong sinod we bai glasim na skelim ol

wok plen long bikpela bung bilong ol neks yia.

Dispela mini sinod bung bai kirapim tu Wok Komiti long redim ol wok bilong bikpela bung.

Bisop Oika i tok samting olsem 35 deleget na grup i makim ol Eben rijnel opis bai kamap long dispela bung long tupela wik i kam.

Sikspela Supa Minista i makim Pot Mosbi, Morobe na Goroka Seket na ol seket siaman na woking komiti memba, na ol lain i makim ol meri na yut ministri

bai i stap long dispela bung. Tu, tripela minista i makim Popondeta na Madang Pandamon Kongrikesen na ol lain tu i makim Manus, Wewak na Vanimo.

Het tok bilong bung em "Come now let us go" (Kam nau na yumi go) i stap long John 20:25. As tingting bilong het tok i go long ol rijen we i singautim ol long kam fowet long wok misin na ewanjelais, sosel jastis, pastoral na spiritual wok.

Bisop Oika i tok tu olsem bikpela sios sinot o kibung we ol i save holim long olgeta yia em bai ol i holim bihain long tupela yia nau.

Ol Angliken Mama makim faundas de

...Bung wantaim na strongim wok helpim

Veronica Hatutasi i raitim

OL Angliken Sios Mama Yunien memba long Pot Mosbi daiosis i bin kisim strongpela singaut long wok bung wantaim na helpim ol tarangu manmeri insait long komyniti.

Ol lain lida husat i bin toktok long sios sevis long Holi Famili Angliken Sios long Hohola, Nesenel Kapitel Distrik long makim namba 129 krismas long kamap bilong Mama Yunien i tok ol yunien memba i mas go aut na helpim ol lain long komyniti we nogat man i bisi long ol, ol lain i sik wantaim HIV/AIDS na ol kain sik na ol tarangu.

"Go long olgeta haus we i gat ol lain nogat man i laikim ol, ol tarangu, ol lain i no inap long toktok, ol sik, ol HIV/AIDS lain, ol lain we man bilong ol i dai bikos Jisas i salim yupela long go aut na painim na helpim ol. Yumi mas wok bung wantaim bikos tim wok em i bikpela samting long Mama Yunien i kamap strong na skruim wok bilong em," Pater Lollington Wiam husat em i Saplen bilong Madas Yunien long Pot Mosbi Angliken Daiosis i tok.

Angliken Mama Yunien (AMY) i gat samting olsem tri milien memba long 75 kantri long wol.

"Tasol kaikai i no kamap gutpela tumas yet. Em i wok



• Ol Madas Yunien memba i amamasim bikde bilong ol long Holi Famili Angliken Sios long Hohola. Foto: VERONICA HATUTASI

bilong yupela wan wan long strongim wok.

Tru, bai yupela i bungim planti hevi tasol wantaim Jisas long laip bilong yupela, ol samting bai go gut.

Jisas i wok long tokim yupela long go aut na laikim ol lain long haus sik, haus kalabus, ol lain i sot long samting, ol aipas na ol arapela i stap long ol kain kain hevi na helpim na mekim gut long ol." Pater Lollington i bin tokim samting olsem 50 AMY memba i bin bung long amamasim bikde bilong ol.

Mary Sumner bilong kantri Ingran i bin kirapim Mama Yunien long yia 1876 long helpim ol meri i bin stap long hevi na sampela bilong ol i wok long mekim pasin i no stret taim ol man bilong ol i go long namba wan bikpela pajit. Provisnel Presiden Anne Mota i bin tok ol Yunien memba i bin harim dispela singaut bilong Bikpela, olsem na ol i mas bihainim gutpela pasin olgeta taim.

"Bihainim laik bilong Bikpela na noken wokim ol tok baksait long ol narapela susa. Taim

yupela i kam bek long lotu, noken tok nogutim o wokim nogut long ol pikinini.

Tude em i gutpela de long lukluk bek long as tingting watpo yupela wan wan i bin joinim AMY na soim gutpela pasin long ol famili na ol arapela.

Faunda Mary Sumner i bin gat daun pasin, laik pasin bilong ol mama na yupela tu i mas bihainim piksa bilong em. Tingim tu ol lain meri husat i bin kirapim wok bilong Yunien hia long PNG," Misis Mota i bin tok.

Laikim moa PNG misinari long Brasil

Ruben Wia i raitim

ASKIM i go long ol misinari manmeri bilong PNG long tingting long mekim wok misinari long Saut Amerika na serim laip na save wantaim ol pipel.

Pater Stephen Rex Simangi bilong Is Sepik, wanpela Divain Wod (SVD) Misinari husat i wok 4-pela krismas long kantri Brasil long Saut Amerika, i wokim dispela singaut.

Em i kam malolo long PNG long tripela mun bihain long em i bin kisim wok misinari long Brasil long Jun 2001. Malolo bilong em i bin stat long Ogas 1 na bihain long em, em bai go bek wok long Brasil.

Em i tok ol pipel long Brasil i laikim ol PNG misinari long serim Gutnius na ekspiriens bilong ol long Jesus.

Em i tok yumi olsem hanwok bilong Jesus i



• Pater Stepehen i givim blesing long namba wan komunio.

mas wok long soim laik pasin bilong Kraiss long ol arapela brata susa.

As tingting bilong em i olsem "kam na lukim". Em yet i tok em i go long Brasil olsem misinari na lukim ol samting we pipel i laikim taim em i stap wantaim ol.

"Yumi ol misinari i mas go na stap wantaim ol pipel na serim laik bilong Kraiss wantaim ol," Pater Stephen i tok.

Taim em i stap klostu wantaim ol pipel bilong Brasil, em i pilim olsem em i brata tru bilong ol.

Tasol taim em bin go pastaim long nupela kantri long 2001, em bin painim hat tru na em i save tingting long PNG.

Tok ples tu i narakain bikos Tok Ples Portugal em mama tokples na nogat lain tumas i save long Tok Inglis.

Kaikai na ol narapela samting i narakain long



• Pater Stephen wantaim sampela perisina bilong em.

saksak na ol kain kaikai bilong ples long PNG. Tasol bihain long tripela mun, em bin lainim Tokples Spain we i bin helpim em gut long karimaut wok bilong em. Insait long wanpela peris, em i save lukautim namel long 40 na 50,000 Katolik pipel.

Wok misin bilong em i stap long arere bilong bikpela wara Amazon. Em i save yusim moto long go long ol peris na


mekim wok bilong em.

Ol perisina bilong em em ol miks nabaut. Sampela em ol Afrika, Red Indien, ol hapkas, ol blekpela na waitpela pipel.

Pater Stephen i tok ol pipel long ol peris bilong em i gutpela lain bilong lotu na wok gut wantaim ol misinari.

Na pasin bilong ol i wankain olsem PNG taim ol i helpim narapela na givim kaikai samting.

Glasm Tok wantaim Bisop Peter Fox



Yumi tu mas kamap fisamen bilong ol man

YUMI olgeta i save long stori taim ol i bin singautim ol fisamen long lusim ol umben bilong ol na go kamap fisamen bilong ol man (Mak 1: 6-20), (Matyu 4: 18-22) Em i isi long tingting olsem ol i kwik taim harim dispela singaut.

Gutnius i soim olsem Jisas i bin bungim Simon Peter namba wan taim pastaim long saut bilong Galili taim John bilong Baptais i bin givim baptismo long Jisas long Wara Jordan. Long wankain taim tu, Jisas i bin bungim Andrew, Philip, Nathaniel (Bartholomeo) na ol arapela.

Glasm olgeta 4-pela Gospel, yumi lukim stori i go bikpela long likik stori we Mark na Matthew i autim long en.

Bihain long namba wan bung wantaim ol, Jisas i bin go long Not Galili wantaim ol. Andrew, Peter na Philip i bin kam long Betsaida (John 1: 44) tasol long sampela taim, Peter i bin muv na go stap long Kapenaum. Nathaniel i bilong Cana (John 21:2).

Ol bin kamap long wanpela marit long Cana (John 2: 1-2), em wanpela bikpela taun klostu long Nazaret na Jisas i bin go long ples bilong em long autim Tok bilong God long sinagog o sios.

Bihain long ol pipel i no mekim gut long em, em bin go sindaun long Kapenaum (Luk 4-16, 28-31) na i bin stap wantaim famili bilong Peter. (Luke 4: 38).

Santu Luke i tokim yumi olsem Jisas i bin stap long haus bilong Peter bipo long dispela de taim em i kisim bot bilong Peter na go autim Tok long planti lain manmeri na taim Peter i lukim mirakel bilong ol pis, em i bin brukim skru na tokim Jisas olsem em i wanpela sinman (Luke 5: 1-11).

Singaut long ol fisamen i mas kamap long dispela taim ol i stretim umben bilong ol i stap. Peter na ol arapela i bin stap klostu long Jisas.

Ol i bin lukim ol samting we Jisas i bin mekim olsem senisim wara i go long wain, mekim kamap gut ol sik manmeri na harim planti samting em i toktok long en.

Taim i kamap pinis long putim strongpela tingting na pas wantaim Jisas, maski em i min olsem ol i mas lusim ples bilong ol.

Yumi mas lukluk na was gut long "instant" conversion o hariap tanim bel na kwik fiks kristianiti.

Trupela komitmen long Jisas i mas gat bikpela bilip insait na i no dispela we manmeri i soim long ausait. Yumi lukim olsem Peter i no bin kamap disaipel bilong Jisas kwiktaim. Wankain long santu Paul.

Plantu man i bin dai pastaim bipo long em i tanim bel i go long Jisas (Ekt 8;1 (:1, Galesen 1:13) Long trupela tanim bel i kamap, yumi i no inap tanim bel hariap tasol.

Mipela i mas larim Jisas i kam stap klostu long yumi long sampela taim na lukim ol samting em i wokim na harim em i tok wanem.

Klostu, olsem Peter, bai yumi luksave olsem yumi no inap long laik pasin em i ofaim long mipela fri na i nogat pei long em. Long dispela taim, i nogat rot long tanim bek.

Em i tok "Bihainim mi" na yumi mekim, maski wanem samting bai kamap.

Nius Bilong HIV AIDS

wantaim David Ephraim



LONG olgeta de planti manmeri i wok long dai long HIV/AIDS na planti i wok long kisim dispela binatang.

Insait long wok aweanes we i wok long strong yet, plis skelim wantaim populesen nau bai yu lukim olsem dispela binatang HIV bai bagarapim moa pipel long ol yia bihain sapos yu na mi no kamapim sampela rot senis long laip bilong yumi na komyuniti bilong yumi tu.

Planti taim yu harim manmeri i singaut long Gavman long helpim ol long liklik hevi we famili na yumi wan wan i ken stretim na tu yumi no save traim long kamapim rot we i ken strongim na kirapim gutpela sindaun namel long komyuniti.

Yumi tu sot long tingting na kamapim ol nupela rot bilong helpim yumi yet bikos long ol strongpela pasin kalsa yumi gat.

Kalsa na kastom bilong yumi save stopim na tambuim yumi long senis i go insait long nupela kain kalsa we olgeta manmeri long wol i wok long go insait na stap insait long en.

Wanpela hevi we em wokim olgeta samting i hat tumas em long i nogat planti bilong yumi Papua Niugini i save rit na rait na taim ol save lain i save toktok yumi i no luksave long ol bikos yumi tu ting olsem em ol pasin bilong ol waitman.

Dispela em wanpela hevi we nau HIV/AIDS i sanap gut na groa insait i stap. Long helpim olgeta lain i save gut, yu husat i save long rit na rait i mas traim kamapim rot bilong glasim gut toktok bilong HIV/AIDS i go long tokples bilong yu we bai ol pipel bilong yu i ken amamas wantaim.

Trangu HIV/AIDS i no luksave yu husat. Plis kamapim senis tete. Skelim pasin bilong yu tete na tingim HIV/AIDS i kamap aste yet na em i stap tumora em wetim yu stap. Bai yu mekim wanem?

Tok Lukaut

Long Tok Lukaut bai mi skelim wantaim yu rida sampela tok we bipo memba bilong palamen John Momis i bin wokim taim Yut Agens Korapsen i bin askim em long toktok long namba 9 Kibung bilong ol i bin kamap las wik Sarere namba 30 de bilong mun Julai long Jubilee Sekondari Skul long Mosbi.

Moa long 50 yut i bin stap insait long dispela bung. Het tok bilong bung em "Should Government grant other provinces autonomy?"

John Momis em i bin wanpela strongpela man i bin sanap sapotim Provisnel Gavman Sistem taim kantri i bin kisim independens.

Na i bin wanpela strongpela man we em i bin helpim tu long kamapim gutpela sindaun na bel isi long Bogenvil. Em i bin tok olsem mining bilong otonomi em wanpela tok Grik (Greek) na Latin we i tokaut olsem 'power na self reliance' ol pipel i gat papa long helpim ol yet.

Mista Momis i bin tok olsem Bogenvil Otonomes em i winim ol arapela otonomi we em i lukim long narapela hap graun tasol em i tok Bogenvil i nogat inap save manmeri husat i ken helpim dispela Otonomi Gavman i strong.

Sapos ol pipel bilong Bogenvil i ken kamapim ol rot we i ken soim olsem ol i ken ronim kantri orait bihain long 10 i go long 13 yia Otonomes Gavman bai askim Nesenel Gavman bilong kisim politikol independens.

Nau yet Bogenvil i bin kisim politikol na fainensol pawa tasol Gavman i no givim ol pawa long Difens na Foren Afeas.

Bikos em i nidim planti mani long ronim ol dispela dipatmen. Em bin tok olsem sapos narapela provins laik kisim otonomi, orait ol i mas lukluk long mani sait long dispela rot bai i gat ol lokel bisnis we i ken strongim ikonomi bilong ol.

Moa yangpela meri slip wantaim ol bikpela man

...Kamapim senis long lo

Veronica Hatutasi i raitim

WANPELA wok glasim i soim olsem mak bilong ol yangpela meri krismas bilong ol i stap namel long 9 na 15 i kisim binatang bilong AIDS long PNG i bikpela moa.

Na tu, ol bikpela man i wok long slip wantaim ol liklik meri, olsem na binatang bilong sik AIDS i wok long kalap long ol dispela yangpela na liklik meri.

Ol dispela luksave i stap insait long ripot bilong Nesenel AIDS Kaunsil, "Current Status of HIV/AIDS Epidemic in PNG" o Sindaun bilong HIV/AIDS hevi insait long PNG.

Ripot i tok dispela i wankain olsem samting i kamap long Afrika we ol bikpela man i slip wantaim ol liklik meri na binatang bilong AIDS i wok long kalap i go long ol. Ripot i tok mak bilong ol yangpela meri namel long 15 na 24 krismas bai kisim binatang bilong AIDS i stap olsem tripela taim moa long ol man i stap long wankain krismas grup. Tasol long ol man, binatang bilong sik AIDS i abrusim mak long ol meri long ol lain i gat 30 na moa krismas.

Ripot i soim olsem wanpela long ol samting we i mekim



Sosel Developmen Minista Dame Carol Kidu.

HIV/AIDS i gro hariap long PNG em long pasin bilong slip wantaim patna taim ol i liklik yet, planti patna bipo long marit na ol marit lain tu) na senisim seks long mani na presen we bikpela mak bilong populesen long kantri i wokim.

"Planti edukesen na pablik aweanes i kamap long HIV/AIDS long kantri, tasol dispela i no senisim pasin bilong ol pipel long wokim bikhet pasin na slip nabaut wantaim ol kain patna.

"Pasin tumbuna na sosel kontrol i bruk daun long PNG

na bungim wantaim kes ikonomi, moa pipel i kam long taun i kamapim bikpela senis long pasin bilong ol manmeri. Bikpela samting tu em yusim pasin bilong slip wantaim na givim peimen mani na ol presen samting i apim kalap bilong HIV/AIDS," ripot i tok.

Olsem na long dispela taim, gavman i kirapim strong nau ol wok long sait bilong em long traim daunim dispela sik nogut.

Sosel Developmen Minista Dame Carol Kidu i wanpela long ol Palamen memba husat i mekim planti toktok long ol samting i sut long sosel, famili na HIV/AIDS long kantri.

Em yet i lukim long ai bilong em yet ol meri na planti famili i bungim hevi long dispela sik na em i laik traim na helpim long wanem rot em i ken.

"Long ilektoret bilong mi yet, (Mosbi Saut) planti famili bungim hevi.

Insait long wanpela wik tasol, 5-pela pipel i bin dai. Wanpela taim, tupela marit i dai long wanpela de tasol.

Planti pikinini i nogat papamama nau na ol hauslain i kisim ol pikinini na dispela i skruim hevi i go moa, long sait bilong mani na lukaum bikpela

famili. Planti i wok long kam long mi long helpim planim ol na wokim ol tumbuna pasin. Bikpela hevi tru i stap na HIV/AIDS nau i no helt hevi tasol. Em i komyuniti, ikonomik na developmen wari na hevi," Dame Carol i tok.

Olsem na yumi mas skelim gut ol samting na yumi noken hariap agensim ol tingting yumi wok long autim long traim painim rot bilong daunim HIV/AIDS, Dame Carol i tok.

Em i bin mekim klia olsem em i no tok PNG i mas tok oraitim pasin pamuk. Em i tok midia o ol nuslain i no bin kisim stret ol toktok na ol i putim kranki ripot long ol toktok em bin mekim long palamen.

Em i tok gavman bilong PNG i nogat tingting long tok oraitim pamuk pasin.

Em i tok tasol ol i wok long lukluk long lo we long dispela taim, ol meri i wokim pamuk pasin i kisim sas na tu, ol polis i wokim ol nabaut.

Na nogat wanpela samting i kamap long ol man i wokim pasin pamuk wantaim ol meri na ol papa bilong ol haus pamuk we ol pasin nogut i kamap.

Sapotim resis bilong ol PNG raita

Veronica Hatutasi i raitim

OL skul sumatin na pablik long PNG i ken go insait long raiting resis olsem hap bilong selebretim 30 independens anivesari bilong PNG.

Nesenel Kaiserelei Komisnin (NCC) i lonsim dispela resis bihain long planti yia, em i no kamap.

Long wankain taim tu, ol i kirapim bek wok bilong Nesenel Literetja Bot we bai strongim wok bilong ol lain i gat laik long rait na sapotim tu ol PNG raita.

Literetja resis i singautim ol sumatin na ol narapela man na meri long pablik i gat laik long

rait long go insait long ol wan wan seksen bilong resis olsem novel, sotpela stori, TV na radio pilai, poem, esei, ol drama pilai, stori tumbuna na singsing. Yu ken raitim ol stori na ol arapela long Tok Inglis, Tok Plisin na Tok Motu. Bai i gat ol prais long ol wan wan level bilong resis. Mak long prais i stat long K50 inap long K1,500 long top Novel. Resis bai pas long Novemba 3, 2005 na ol bai tokaut long wina long Disemba 2, 2005.

Institut bilong PNG Stadis i save ranim Nesenel Literetja resis long planti yia i go pinis aninit long NCC bilong strongim na promotim

wok go het bilong literetja na raiting long ol PNG raita na pipel. Resis i save pulim planti raita na i bin kamap gut inap ol bin putim Institut ov PNG Stadis aninit long Nesenel Rises Institut na bihain em i dai.

Dairekta bilong NCC Dokta Jacob Simet i tok long ol 1970's, PNG i bin gat ol gutpela raita i bin autim strongpela laik long PNG long ol stori na raiting bilong ol. Sampela ol biknem lain em Sir Rabbie Namaliu, Leo Hannel, Prait Minista Sir Michael Somare, Leit Sir Albert Maori Kiki husat i bin kamapim namba wan buk long PNG ol i kolim long "Ten Thousand

Years in a Lifetime" na ol narapela moa.

Nupela Siman bilong nesenel Literetja Bot Dokta Steven Winduo taim em i tok amamas long kirapim bek bot na Literetja resis i tok bot bai wok strong long promotim na strongim ol wok go het long ol raiting na kalsa bilong PNG.


Em i tok planti PNG manmeri i rait tasol bikos nogat sapot, ol i no prinin ol buk na ol arapela raiting bilong ol.

Na olsem, em i askim sapot long gavman, pablik na praiwet sekta long Nesenel Literetja Bot we i ken strongim pala bilong rait long ol pipel bilong yumi yet.

A COLLEGE TO CHANGE YOUR WORLD IN 2005. YOUR accredited international awards. Invest in accredited qualifications and skills to gain a successful career. Everything you need for study success is provided; Training Materials, Guide, Exams, Revision Tests, Exam, Award. Diplomas (£150/US\$300/AUS\$360) *Accounts, Hotels, Tourism, Computers *Business, Management, English, Stores *Personnel, Office, Purchasing, Advertising *Marketing, Insurance, Secretary, Office Advanced Diplomas, BBA, BCom, MBA *Business, Marketing, Finance, Organization For a FREE Prospectus/brochure contact: CAMBRIDGE INTERNATIONAL COLLEGE P.O. Box 1378, Southampton, SO17 3WX, Britain Web: www.cambridgecollege.co.uk email: info@cambridgetraining.com Fax: +44 2380 337200 Accredited British Training & Education registered with the National Training Council & Ministry of Labour of Papua New Guinea



Ol memba bilong Nesenel Literetja Bot i sindaun wantaim Minista bilong Turisim na Kalsa David Basua, Komyuniti Developmen Minista Dame Carol Kidu na wanpela bikman long Embasi bilong Saina. Ol komiti memba em, baksait: Dokta Jacob Simet, Dokta Michael Tapo, Oseah Philemon, Posa Lari, Sinclair Solomon na Dokta Steven Winduo long fran i sindaun namel long Dame Carol na Minista Basua. Ol Foto: NICKY BERNARD



Salim ol pas i kam long WANTOK NIUSPEPA: P.O. Box 1982, Boroko N.C.D 111 Fax: 325 2579 Email: word@global.net.pg

Prais bilong olgeta samting i go antap

Dia Edita

MI WANPELA pikinini Erap na mi laik bekim pas bilong Wokie Kabsii. Em bin raitim kamap long Wantok Niuspepa long Julai 28, 2005. Brata mi laik tokim yu hevi kantri i bungim long sait bilong moni na prais bilong olgeta samting i go antap tru em yu luksave o nogat?

Prais bilong sip i go antap, balus na trak na kar pe i go antap tu. Ol papa bilong kar i save lusim bikpela moni long baim spea pat bilong kar, taia na bensin long go het long bisnis bilong ol.

Sapos yu bel kros yu ting yu fit long karim kago bilong yu na wok-about i go long maket? Brata em mi ting bai hat tru long yu ya olsem na stap isi.

Brata yu tok olsem memba na kaunsof ol dai na i no save toktok tasol mi laik tokim yu

olsem, ol man bilong toktok tumas na pairap ol i no save mekim wok.

Sapos yu bilong Erap bai yu luksave long sampela senis i wok long kamap isi isi. I luk olsem yu no bilong Erap na aipas na raun.

Memba na kaunsof i toktok na kamapim pinis tupela bris Kasuka na Solop bris na rot i go long Nimara na Kasengan. Mentenens long rot tu i wok long kamap isi isi. Yu tok long lukluk gut long 2007 na makim man. Tasol mi laik tokim yu em namba gem na em i demokratik rait long kain kain man i ken sanap na resis. Balot bokis tasol bai kamapim win man. Mi yet bilong Erap na mi kam salim brus na i stap.

TAWANG NANAK POT MOSBI NCD

Nogat redio o ABC brodkas long Isten Hailans provins

Dia Edita

MI WANPELA manki Marawaka na mi laik autim wari na belhevi bilong mipela ol lain long Marawaka, Lufa na Okapa. Mipela nogat telepon bilong salim ol toktok i go long ol dispela ol ples olsem na sapos mipela i gat ABC redio mipela i ken salim ol toktok i go i kam.

Bilong wanem tru na dispela redio i no wok long Isten Hailans? Em tasol bel hevi na wari bilong mi. Husat i laik sapot o agensim, yu welkam tasol.

RAYMOND DUATNA KIMBE WES NU BRITEN PROVINS

Is Sepik Etiminstreta mas pinis long wok

Dia Edita

MI RAITIM dispela pas i go long Wantok Niuspepa na tokim olgeta pipel bilong Is Sepik i stap long olgeta hap bilong dispela kantri long ol stil pasin i wok long kamap insait long Is Sepik provins.

Bilong wanem na Etiminstreta Fantson Yaninen na sampela sinia opisa long gavman i wok long stilim ol moni bilong ol Sepik pipel na baim planti ol nupela kar na ron long balus klostu klostu.

Em wanem? Beng bilong em na praivet akaun bilong em bai olgeta moni bilong Sepik pipel em tasol i wok long kisim na putim i go long praivet kampani akaun bilong em. Praim Minista mas rausim em long wok nau. Em bringim sem long olgeta Sepik.

Mipela olgeta pipel i no amamas tru long ol korapsen pasin i wok long kamap insait long Is Sepik provinsel gavman. Planti miken kina bilong Sepik em i wok long ples na lus i stap.

Mipela olgeta ol olgeta bilong Is Sepik provinsel gavman na wok long ples na lus i stap. Olgeta bilong Australia gavman i wok long lus long olgeta bilong ol salim moni long Is Sepik provins.

JOHN KRISAKI WEWAK IS SEPIK PROVINS

Noken kilim bebi long bel

Dia Edita

MI MANKI bilong Wes Sepik provins na nau mi stap long seminari insait long Wes Sepik, las provins insait long Papua Niugini.

Long Fraide namba 28 de bilong mun Julai, long EMTV mi lukim wanpela nius we i no amamasim tingting bilong mi.

Mi laik komplek long ol memba bilong Palamen na bikpela tru i go long Carol Kidu.

Ol i wok long tingting long kamapim lo bilong kilim pikinini insait long bel bilong ol mama na mi gat bikpela wari.

Papua Niugini i bin wanpela kristen kantri long taim ol namba wan waitman i bin kamap.

Nau ol i ligelaisim dispela lo pinis na mi bilip olsem gutpela kantri bilong yumi bai bagarap sampela yia bihain. Ol meri bai i gat bikpela hevi.

Dispela liklik kantri Papua Niugini i wok long kisim na bihainim ol narapela ol kantri i develop pinis na putim ol lo i kam insait long liklik Papua Niugini.

Aste tasol em bon na em i laik traim bihainim ol arapela kantri.

Man husat i givim laip long yumi bai no amamas

long yumi bikos yumi wok long bagarapim na kilim ol pikinini. Bihain long indai bilong mipela tu bai gat bikpela sas long heven.

Taim God i wokim namba wan tumbuna man na tumbuna meri bilong olgeta manmeri long dispela graun, em i bin tok "yupela go na malitlai". Tasol nau yumi wok long bagarapim laip na bihainim laik bilong yumi yet.

Em tasol na husat brata o susa i agensim o sapotim mi, welkam tasol na bai mi lukim long Wantok Niuspepa.

REX AWAKE VANIMO SANDAUN PROVINS



Toksave: Sampela ol pas mipela i kisim i longpela tumas na i no givim spes long ol arapela pas, plis raitim liklik pas. Na tu putim nem na adres bilong yu long olgeta pas yu salim i kam, tenkyu. - Edita

Noken salim ol tumbuna samting

Dia Edita

MI BILONG Maunten Tawa long Erave distrik long Sauten Hailans provins, tasol nau mi kam stap hia long Pot Mosbi siti.

Mi laik autim wari bilong mi i go long Wantok Niuspepa na ol pablik i ken lukim. Mi no amamas long ol pipel bilong talibu long pasin ol save mekim long salim ol samting bilong kastom o tumbuna samting olsem ston tamiok, bunara, spia, kina sel o sel mani na ol arapela samting long kisim mani.

Mi laik bai gavman i mas putim tambu long ol pipel bilong Papua Niugini long noken salim dispela ol samting i go aut long ol narapela kantri bikos ol dispela samting i save stap long wan wan ples bilong yumi na strongim kalsa o pasin tumbuna na soim kala bilong yumi PNG stret long ol narapela kantri long wol na

pulim planti moa mani i kam insait long kantri.

Olsem na nau mi tokim ol talibu pipel long noken salim ol dispela samting long kisim mani.

Mipela ol arapela hap bilong Sauten Hailans provins mipela no save salim ol tumbuna samting na kisim mani. Nogat. Mipela holim i stap. Sapos yupela salim bilum na sampela samting olsem basket yupela yet save wokim long bus samting em nogat samting.

Em tasol na yu husat brata o susa yu bilong talibu o narapela hap bilong PNG yu laik sapotim o agensim mi stap sambai tasol long lukim.

STANLEY KEWA POT MOSBI NCD

Gavana i kirapim bek Sauten Hailans provins

Dia Edita

MI WANPELA manki long Para Sauten Hailans provins. Tasol Sauten Hailans provins. Nau yu mi stap long Maunten Hagen, TWP.

Mi amamas tru long harim olsem Gavana Hami Yawari i bin opim nupela mobail telpon sevis long Sauten Hailans provins.

Dispela yu opim ai na tingting bilong ol pipel long ples. Em tasol na Doni Blesim yu Gavana Hami Yawari i Niuspepa o bilong Para Sauten Hailans provins. Tasol long Wantok Niuspepa.

IRIOKA IGIN MT HAGEN WESTEN HAILANS PROVINS

Solidariti Muvmen em korap

Dia Edita

LONG nait bilong laspela wik bilong mun Julai, mipela i bin harim mausman bilong wanpela nupela muvmen ol i kolim Sepik Solidarity Movement, Mista Bruce Samban i kamaut long redio Wewak na toktok long saspensen bilong Distrik Administreta Mista Fanston Yaninen.

Em i tok dispela muvmen i gat ol evidens ol i holim i stap long soim ol paul pasin o korapsen Mista Yaninen i bin wokim na em mas lusim wok bilong em olsem Provinsel Etministreta.

Mipela ol pipel bilong Yangoru Sausia i laik askim bipo primia na nau mausman bilong dispela Sepik Solidarity Movement long kamaut long redio Wewak gen na tokaut long mipela ol pablik i laik save long stori bilong wan wan memba bilong dispela muvmen.

Long lukluk bilong mipela ol pipel bilong Yangoru Sausia, i gat sampela korap na paol man tu insait long dispela muvmen bilong yupela.

Maski long haitim yupela yet na bagarapim ol narapela ol pipel nating long jeles pasin tasol. Yupela ol lain bilong painim wok.

Nogat wok na yupela traim long painim ol kain kain rot long bagarapim ol sinia opisa bilong Etministresen bilong Is Sepik.

Mista Haru Yahamani, bipo Tresera na Mista Fanston Yaninen husat holim wok bilong Provinsol Administreta i bin saspens bikos long yupela dispela grup.

Tupela sinia opisa ya i bilong Yangoru Sausia ilektoret long Is Sepik.

Inap yupela lukluk tu long ol arapela sinia opisa bilong ol narapela ilektoret tu o yupela i makim ol lain bilong mipela tasol?

Mipela pipel bilong Yangoru Sausia ilektoret i givim tok lukaut long Nesanel Memba bilong mipela na tu Gavana bilong Is Sepik provins Mista Peter Wararu long lukluk gut long opis bilong yu long Wewak i gat wanpela o tupela spa i stap husat i memba bilong dispela korap Sepik Solidarity Movement.

Rausim ol dispela spa long opis bilong yu nogut ol giamanim na bagarapim yu tu bikos yu tu yu bilong Yangoru Sausia olsem Yahamani na Yaninen.

Long pinisim, ol vota bilong Yangoru Sausia i laik askim mausman bilong dispela Sepik Solidarity Grup long tripela liklik askim.

- 1. Husat tru i bin kukim olpela tresari opis long Kreer Heights?
- 2. Wanem as tingting bilong ol dispela lain kriminel na ol kukim dispela haus?
- 3. Bilong wanem as tru na ol dispela lain polis i sasim ol na salim ol i go long Olis long Borom?

Husat bratasusa i laik sapotim mipela yu soim mi mekim wok long Wewak Niuspepa na bel samting.

YANGORU SAUSIA VOTA WEWAK IS SEPIK PROVINS



WANTOK KOMENTRI

Han bilong infomol sekta i hevi

INSAIT long wik i go pinis, i gat tupela manmeri husat i save salim buai, smuk na ol arapela samting raun long rot. Dispela tupela manmeri em ol i bin tokaut pinis olsem ol i kisim bikpela bagarap long skin bilong ol long han bilong ol Nesenel Kapitel Distrik Komisn Inspekta.

Long wanem as tru na dispela kain samting i kamap?

Na husat tru i wok long go pas long ol dispela lain raskol i save sanap raun antap long kar bilong NCDC na bikhet insait long siti taim ol i mekim wok bilong ol?

Insait long wanpela wik tasol, wanpela man na wanpela meri i kotim pinis ol NCDC inspekta olsem ol i paitim ol wantaim diwai na raba hos, stilim ol buai na smuk samting, na tu ol i stilim mani ol dispela lain i hatwok long mekim.

Nau dispela tupela manmeri i autim pinis hevi bilong ol, NCDC bai lukim moa manmeri i kamaut na tokaut long pasin ol inspekta yet i wok long mekim.

Em i tru olsem NCDC i toksave pinis long ol ples bilong mekim maket. Tasol i no gutpela olsem ol lain husat i wok long mekim dispela pasin long paitim nating ol manmeri.

Infomol sekta lo bilong NCD i no kisim luksave yet. Na namel long nau na taim we NCD infomol sekta lo program i kisim luksave, ol wok manmeri bilong NCDC i no inap long sasim wanpela man o meri taim em i salim ol kaikai, buai o smuk ausait long ol ples we tambu long mekim maket.

Tasol sapos dispela lo bilong infomol sekta insait long Mosbi siti i kisim luksave, em nau bai NCDC i ken mekimsave long ol lain bilong pablik husat i no harim tok na maket long ol ples tambu.

Nau mipela i laik save, wanem hap bilong lo insait long NCDC i tok olsem ol NCDC inspekta i ken paitim man o meri bilong pablik i mekim maket, kisim ol kaikai na buai smuk samting, na kisim mani ol dispela lain i mekim?

Sapos i gat lo, inap NCDC yet i tok klia long en? Sapos nogat, tru tumas NCDC bai karim bikpela hevi taim pablik i kisim ol i go long kot.

Giaman pasin i go bikpela nau

WANEM samting i save givim strong long ol man long giamanim ol arapela manmeri wantaim ol kain kain giaman samting?

Insait long kantri tude, i gat planti man husat i tok ol i gat ol kain kain marasin we i ken kilim olgeta kain kain sik na hevi bilong bodi.

Na dispela wara i kam long we stret? Em i kam long graun.

Em dispela wara i gat laip mipela i save harim stori bilong en insait long buk baibel? Nogat tru. I gat wanpela wara i gat laip bilong olfaim tasol i stap. Na dispela wara, i no save kamap long wanpela hul bilong graun.

Sapos yu harim ol man i tokim yu olsem i gat wanpela wara we i ken kilim olgeta sik, holim strong paus bilong yu. Nogut mani yu hat wok long kisim bai ius nating olsem wara.

Lidasip pasin bilong David Jesse


GOD i lukim olsem King Saul i no mekim wok gut. Bel bilong em i go longwe long pasin na tok bilong God. Olsem na God i laik makim wanpela man olsem nupela King bilong senisim King Saul. 1 Samuel 16:1ff, i soim Profet Samuel i makim David Jesse olsem nupela King.

God i no makim man long kamap lida long sais, save, ekspirians na pasin bilong man. God i save lukluk long bel bilong man. Dispela bel we bai inap long holim wok na tok na biknem bilong God i stap namba wan long laip bilong em. Maski kain kain hevi em i bungim. God i makim David Jesse taim em i lukim bel bilong em,

maski em i gat ol bikpela brata i stap na maski em i manki tumas.

Skul bilong wasman bilong sipsip (17: 34-35)

Long taim bilong David Jesse pasin bilong 'formal' skul i no bin stap. Tasol pasin bilong 'informal' skul olsem papamama i lainim ol pikinini long haus o long wok ples o long wok gaden o wok bilong wasman bilong sipsip o narapela abus em i bin strong tru. David Jesse em i las bon brata olsem na em i save stap long ples na lukautim ol sipsip na ol bikpela brata planti taim ol i save stap insait long 'nesenol duti' o wok bilong kantri olsem go pait long woa.



Ol prinsipol bilong gutpela lida

wantaim Evangelist

OHARE JABERE

Wok bilong wasman bilong sipsip em yumi save - ol bai bringim ol sipsip i go long tupela ples i gat wara na gras i stap long em na larim ol i kaikai. Ol tu mas ronim ol wel abus i laik kaikaim ol sipsip na bosim ol long nait. David Jesse i bin kilim sampela wel abus i laik kilim sipsip taim em i lukautim olsem laion na bea.

Save bilong lukautim na helpim ol sipsip em save na skul David Jesse i lainim.

Pasin bilong pas wantaim God

Planti lida bilong Israel, we God i makim ol, ol i gat pasin bilong pas wantaim God Yaweh long prea na 'praise' na tenks giving long olgeta de na long olgeta wok ol i mekim. God i lukim bel bilong David Jesse olsem i stretpela olsem na em i anointim em na helpim em long karimaut wok plen na kamapim biknem bilong God Yaweh. Bikos God i anointim David, em olfaim i stap wantaim em long taim bilong pait, wok, o taim bilong lotu. God i stap stia bilong em.

David i no bin pret

Holi Spirit i pulap tru long David taim Profet Samuel i anointim o wasim em wantaim holi wel olsem nupela King bilong Israel. Wantaim dispela strong bilong God, David i no bin tubel o surik o pret long

kain kain hevi. Dispela pasin i kamap ples klia taim David i salensim Goliat. Maski em i liklik manki, em nogat samting bilong pait olsem siot, spia, bunara na naip. Tasol David tokaut olsem em bai agensim Goliat long nem bilong God i gat olgeta strong.

Wiknes o kranksi pasin

David olsem Abraham na Moses i gat sampela kranksi o wiknes bilong em. Stori long 2 Samuel 11:1ff i soim David i maritim meri bilong wanpela soldia bilong em.

Em i tokim ol bos bilong ami long putim dispela soldia long go pas long hap we pait i strong na ol birua i kilim em.

David i plen olsem taim em i dai, em bai maritim meri bilong dispela soldia. David i save dispela pasin em i no stret tasol em i mekim.

Ombudsmen Komisn bilong God aninit long Profet Nathan i lukim olsem David i brukim Lidasip Kod (lo) bilong God Yaweh.

Taim Profet Nathan i soim olgeta pasin bilong David long kisim Bethsaba olsem meri bilong em, David i tok sori olsem em i bin rong. (2 Samuel 12:13)

Pasin Lidasip yu inap lainim long wok lidasip bilong David, King bilong Israel

1. Lida mas i gat sampela kain save "informal o formal".

Man i laik kamap lida i mas i gat sampela kain save em i lainim long skul o em i lainim ausait olsem long wok o long papamama we dispela save em i ken helpim em long wok lida o em i ken yusim long strong wok lidasip bilong em. Tingim David Jesse long em i wasman bilong sipsip.

2. Pas wantaim God

Lida mas i gat pasin bilong pas wantaim God long olgeta dei na long olgeta wok em i mekim.

Long pasin bilong pas wantaim God, olgeta wok God bai yusim kain lida olsem long mekim wok bai i narakain olgeta na i gat bikpela pawa tru.

3. Taim em i pas wantaim God, lida i no inap pret long tok bilong man, hevi bilong pipel o hevi i kam long laip bilong em long lusim wok. Em save na bilip olsem God bai mekim olgeta wok em i laik mekim.

4. Lida mas save olsem em i man bilong graun olsem na kain kain traim bai kam long em. Traim bilong paulim moni bilong pipel, traim bilong mangal long ol kago na meri bilong arapela man o traim bilong kisim hait moni (braib). Lida pas wantaim God, em inap abrusim ol kain traim na hevi.

5. Lida i mas i gat pasin bilong autim sin o konfes sapos em i mekim wanpela rong long ai bilong pipel na bilong God.

WANTOK

Published Weekly, Wednesday, for Word Publishing Company, Ltd.

P.O. Box 1982, Boroko, NCD Papua New Guinea

Telephone: 325 2500

Fax: 325 2579

Email: word@global.net.pg

Pe bilong wanpela yia 52 niuspepa

Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager
Justin Hansu Kili

Editor
Neville Choi

Published by Justin Hansu Kili, MBE of Section 58, Allotment 3, Office 2, Waigani Drive.

Word Publishing Company limited is owned by the four major churches of Papua New Guinea - Catholics 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



¥ Kisim piksa wantaim Sharzy



'Laikim Yufela Nating Tru'



¥ Lalokau, Kekeni



¥Tupela Mortlock i Danis wantaim busnaip

Neville Choi i raitim

EM i bin kirapim das long Madang, ol manmeri bilong Lae i bin painim ples bilong lukim em na long Mosbi, ol manmeri i bin halivim em long singsing taim waia bilong spika i bin lus.

Em nau. Sharzy, man husat i tromoi ol kain singsing olsem Mi Nao, Rosie Marara na Sore Lewa i bin sutim lewa bilong ol manmeri tru las wik Sarere.

Taim get i op long 6 kilok apinun yet, ol manmeri i bin stap sambai long go insait long klab.

Namei long 6 na 7 kilok, lain bilong ol manmeri i bin bihainim rot olsem wanpela longpela snek tru.

Taim i laik go abrusim 9 kilok long nait na i laik go klostu long 10 kilok, ples i pulap na ol i pasim get. Ol lain manmeri husat i no bin i gat sans long go insait na lukim man wantaim nek i save sutim lewa bilong ol manmeri tru i wok long kaikai tit long ol i no lukim em i singsing. Tasol ol lain husat i stap insait i wok long singsing bihainim olgeta singsing bilong em.

Taim wanpela hap waia i mas lus na olgeta hap musik bilong kibot i no pairap moa, ol manmeri i singsing tasol.

Na long pinisim namba wan so bilong em long Mosbi, Sharzy i tokaut olsem em i laikim tumas dispela hap tok 'Laikim yu nating tru'.

"Mi laikim tru dispela tok ya, laikim yufela nating tru," em i tokim ol manmeri. Na long soim bikpela laik bilong em long ol pipel bilong PNG, em i tok em bai putim dispela hap toktok insait long wanpela singsing em bai raitim bihain long em i go bek long ples bilong em.

Sharzy i bin pilai long Pleias Musik Launs nait klab long Trinde long dispela wik, na nau nait na tumora nait (Fonde na Fraide) em bai go kirapim skin bilong ol manmeri bilong Is Nu Briten long Club Mill long Kokopo yet.



¥ Bikipela kraud tru i kam lukim Sharzy na bihainim singsing bilong Sharzy



¥ Sharzy i mekim liklik stail bilong em,



¥ Raitman long bekim Sharzy long raun bilong em.



¥ Ol sponsa bilong Sharzy i kam gut tru long dispela nait tu. Hia tupela wok man bilong Pom Country Club i putim was long eski. Ol foto: NICKY BERNARD



¥Taim bilong tumbuna em i taim bilong soim tru tru kala bilong bilas
Ol Foto: ANDREW MOLEN



¥ Ol yangpela manki Simbu tu i bin soim stail bilong ol taim ol i penim skin bilong ol na mekim liklik mas na danis bilong ol.

Keri pipel lonsim asosiesen

Neville Choi i raitim

BIKPELA maniam, tru i bin kamap long Ela Bi, long Prol Mecha sah la, wik Sarete tum ol pipel bilong Ken insail long Simbu provins, i bin lonsim wampela bikpela asosiesen bilong ol.

Ol papa graun bilong Sol Namane, Karamui, Dehlik insail long Samba provins, i bin lonsim Ken Papagraun Asosiesen long Sarete we samting olsem 4000 maniam i bin kamap na lukim.

Ol biknem maniamer husat i bin kamap long dispela bikpela de em Meri Josepha Kama, Siel bilong Lens, Taitai Komisari na Dokta John Mui, Saman bilong Moto Viakel Insurens Trus.

As tingling long kamapim dispela asosiesen em long ol Ken pipel, husat em ol tumbuna bilong ol namba wan pipel i bin kamap long Sol Namane Karamui. Ol bin kamap pas long lowa Bomai na Maunden Gader eria.

Dispela bikpela lonsim na samapan bilong asosiesen bilong ol nau i makim stat na wok i go het long rejstaim olgeta hap tumbuna graun bilong ol bilong opim long wok development, kism bek olgeta kastom graun we ol maniam bilong arapela hap nau i sindaun long em long kism luksave bilong qavman.

ol maniamer bisnesman ol bin i stap bikpela long ol olsem ol pipel bilong Ken em ol bin tru papa graun long maniam ol kam kam kras, long graun na long kamapan bilong ol na yangpela tumbuna nambal long ol BIK long papu bilong Ken.

Ol bikpela progras i samap long Sarete na Sarete samapan grup i kam long wan wan long ol Ken maniamer.

Ol plei sam bilong Ken i stap long Mecha i bin mekim wan wan samapan bilong ol. Ol Samapa maniamer i kam long Mobil Kamadi, Thango Hame haus-lan i kam long Papa Bil, Vika i kam long P, Boroko, Hobbiko na Haudoku i kam long 2 maal, Awaku i kam long Eriga na ol bin Kamaku i kam long 17 maal long sam tumbuna singasing bilong ol.

Anlap long ol dispela singasing tumbuna i bin i gat bi resat bilong kalapim wal pas, pulim rop resat, pat wambain pila resat, kam kam wambain spu resat, kalap long bok resat, ran long Inpela lek resat na resat long ding koka kola.

Ol lain narai i go pas long dispela lonsim i kism. Wantok Hupapa olsem namba bi bikpela lonsim na maniamer, bin kamap long plei stat long tum we ol i mas, makim pas.



¥Taim bilong samsam ol meri Simbu i kirapim das wantaim danis bilong ol.



¥ I no de bilong ol bikman tasol. Dispela liklik meri Simbu i soim olsem pasin kalsa bai strong i go yet inap long bihain taim.



¥ Ol dispela yangpela man i bin bilas, gut tru. I bin i gat wampela resat nambal long ol yangpela meri bilong wanim taitai Mei Keri.

WOL NIUS WOL NIUS WOL NIUS WOL NIUS WOL



WOL NIUS WOL NIUS WOL NIUS WOL NIUS WOL



Stevie Wonder..

BIKNEM aipas musik man bilong Amerika, Stevie Wonder i singsing long wanpela bikpela bung bihainim wanpela mas long siti Atlanta long Amerika long makim Voting Raits Ekt bilong ol. Samting olsem 2000 sivil raits ektivis, ol man bilong mekim lo na ol biknem manmeri i bin wokabout long Atlanta long Sarere long makim namba 40 bondei bilong Voting Raits Ekt na singaut long gavman bilong George Bush long strongim bek. REUTERS



Paitim paia...

OL ples manmeri i traim long kilim wanpela bikpela paia i kamap long ples bilong ol klostu long Penaifiel siti long noten Potugal long kantri Spain. Potugal we i stap long taim bilong bikpela drai i wok long salim ol ami bilong ol long go helpim ol paia man we strong bilong ol i wok long pinis long traim kilim 22 fores paia we i wok long karampim siti Lisbon wantaim smuk. Hot bilong paia i wok long winim mak bilong 40 digri selsius. Intiria Minista Antonio Costa i askim ol bosman bilong ol bisnis insait long siti long lusim ol volantia paia man long helpim ol paia man kru i paitim paia i stap. Planti long ol i wok long paitim paia inap long 24 aua olgeta. REUTERS




Pait long boda...

OL Boda polis bilong Israel i pait wantaim ol Jewis manmeri taim ol i pasim wanpela Israel ami kar long wanpela setelmen ol i kolim Kfar darom long Gush Katif blok long Gaza strip. Fainens Minista bilong Israel, Benjamin Netanyahu i bin lusim wok bilong em long Sande taim kabinet i tok oraitim namba wan hap bilong rausim ol manmeri long ol setelmen long Gaza strip. REUTERS



Sevim laip...

OL SOLDIA bilong Saina i ron long wanpela bot long pulim tupela arapela man husat i drip long wanpela bikpela tait wara long wanpela liklik taun long Isten Saina. Taifun Matsa i bin bagarapim is kos bilong Saina wantaim ol strongpela win na bikpela ren long Sarere moning. Em i kilim wanpela man na raunim moa long 1 milien manmeri long ol ples bilong ol. REUTERS



Wara balus

WANPELA balus i ken pundaun long solwara na pulamapim bei bilong em wantaim wara i tromoi wara antap long wanpela bikpela paia i kamap long wanpela bikpela renfores long kantri Potugal. REUTERS

Singsing na makim 30 krismas



• Raitim singsing em i no isi. JK na Potts i stretim singsing bilong na 30 krismas amamas bilong kantri. Oi Foto: NICKY BERNARD

KAUNDAUN i stat pinis na i gat 36 de tasol i stap long go painim bikpela de namba 16 de bilong mun Septemba taim bikpela amamas long makim namba 30 Independens Anivesari bai kamap long olgeta hap long kantri, na PNG Ivens Kaunsil (PNGEC) i hat wok i stap long stretim olgeta wok bilong ol pipel long dispela bikpela samting.

Na Gavman tu i tok oraitim wanpela nupela singsing long makim dispela bikpela de. Dispela 30th Independens Tim Song'i wok long pairap long olgeta radio stesen pinis.

Em i wanpela stail singsing we ol manmeri bai laik tru long singsing bihainim we i toktok long strongim yuniti, wokbung na i singaut long ol komyuniti bilong yumi long 'putim PNG i go pas', wanpela hap toktok PNGEC i wok long strongim long putim dispela tingting bilong wan kantri insait long tingting bilong ol pipel bilong yumi taim kantri i wok-about wantaim i go long amamasim 30 krismas long i gat independens.

Bikpela opisel toktok em Put PNG First, Putim PNG i go pas, PNG atoa guna stap insait long ol toktok long singsing we Patti Potts Doi na Justin Hansu Kili yet i bin raitim na i stap long tok Inglis, Tok Pisin na Hiri Motu yet olsem PNGEC i laikim yet aninit long lukaut bilong Siaman Sir Peter Barter.

Long stat bilong mun Jun, Sir Peter i askim Patti Doi na narapela biknem musik man bilong PNG John Wong long wok bung long wanpela singsing we bai i gat bikpela strong insait long kantri, wankain olsem bikpela singsing bilong ben Barike long 1992, Wan Kantri. Dispela singsing ol i bin stretim gen na ol i singsing long makim namba 25 Independens Anivesari long 2000.

Mi bin kisim luksave long wok wantaim tupela musik man ya bai singsing i pinis hariap. Tupela wantaim i bin skin kirap long helpim komiti long luksave long driman bilong en. Potts i stat long bungim sampela musik na wan wan toktok na John i bungim ol klos bilong em long go bek long Daru long stat wok long singsing.

King bilong PNG na Pasifik musik i toksave long mi olsem John i go olsem long Daru na em i askim mi long helpim em wantaim wanpela sabmisen long go long kaunsil bikos taim i wok long sot.

Long dispela taim yet, mi save olsem bai mipela i no inap long singsing narapela singsing bilong Rolling Stones - Time Is On Our Side, na mi tokim Potts long putim wanpela hap bilong singsing bai kaunsil i ken save wanem kain singsing bai kamap.

Long namba wan sabmisen.



• Tupela meri Pot Mosbi Bisnis Koles, Ida Kavanamur (lephan) na Angela Yaot em tupela i singsing wantaim pikinini meri bilong Patti Doi, Rancy long dispela singsing bilong namba 30 independens bilong kantri.

kaunsil i no wanbel. "Kisim i go bek na stretim na putim sampela moa Hiri Motu toktok insait long en", ol i tokim Potts. "Na mekim i pairap olsem Wan Kantri bai ol pipel i ken singsing bihainim".

Raitim ol toktok bihainim Wan Kantri em i no wanpela hatpela samting, tasol mipela i painim hat tru long brukim ol toktok olsem 'patriotic' na 'celebration'. Olsem na mipela i no tingting long bihainim wankain pairap bilong singsing bilong Barike we i sore liklik, tasol long mekim wanpela i soim amamas na i karim skin kirap pairap bilong garamut.

Mi na Patti kisim ol toktok na hap musik bilong namba wan sabmisen na raitim gen ol toktok we mipela i putim moa Hiri Motu toktok long en bihainim tingting bilong strongim kantri.

"Mi bin laik mekim wanpela singsing i gat wanpela amamas pairap long en na singsing we i strongim nesenelisim we i gat ol man bilong kain kain hap bilong kantri long singsing long en bai em i kamap wanpela tru tru nesenel singsing."

Em i kisim Wayne Tefatu, man Bogenvil lid singa bilong X-Vibes, Louie Warupi bilong Bereina Tabar Band, Willie Sebas bilong Sagothoms ben nau i stap long Lae, na tupela yangpela meri sumatin bilong Pot Mosbi Bisnis Koles, Angela Yaot na Ida Kavanamur. Pikinini meri bilong Potts yet, Rancy Doi i singsing insait long en tu wantaim Potts yet i putim nek bilong em long ol arapela hap. Tripela meri ya i no rekod bipo. Angela, em wanpela meri tasol long singsing wanpela

vas long singsing i bin strongim nek bilong em taim em i singsing long sios kwaia.

"Mi bin painim dispela naispela nek long wanpela fesen pareit," Patti i stori long Angela. "Em i bin askim mi long mekim musik bilong em long singsing long fesen so bilong koles bilong em."

Taim Patti i mekim musik bilong so, em i kisim askim long kamap

Em i go olsem:

*Go antap long hailans bilong yumi
Em i kol na i nais tumas
Em yumi mas amamas longen*

*Memero kekeni e mavarumu ane eabimu
Logohu ena herahera mai hairaina
Unana ororo taudia toadia*

(Bridge)

*Wanem samting yu laik wokim, Putim PNG Igo Pas
Wanem hap yu stap longen, tingim kantri bilong yumi
Em i anniversary bilong yumi.*

(Chorus)

*Papua New Guinea, mipela iamamas long yu
Wan kantri, wan pipol, hapi anniversary
(PNG ATOA GUNA)
(PUTIM PNG IGO PAS)
Papua New Guinea, yumi celebrate
Wan kantri, wan pipol, God Bless PNG
(LET'S PUT PNG FIRST)
(PNG ATOA GUNA)*

*Kone ai danu bol taiamu
Davara bona motumotu namodia
To itana bese tamona*

*Kainkain tokples, wan kantri
Wok bung wantaim na celebrate
Em yumi tingim kantri bilong yumi*

(Bridge)

*Dahaka gaukara o karamu, PNG ATOA GUNA
Oibe edesen onoho mu, emui tano ba laoa
Inana eda anniversary*

(LET'S PUT PNG FIRST)

... "PAPUA NEW GUINEA".

PNGEC i wok long printim 50,000 kala posta we bai i karim dispela singsing bai i go aut long knatri insait long Wantok Niuspepa, The National na Post Courier.

Kaunsil bilong Sir Peter i gat 2-pela bipo Praim Minista, Sir Rabbie Namaliu na Sir Mekere Morauta, Minista bilong Kalsa na Turisim David Basua na ol arapela biknem manmeri insait long sios, praiwet sekta na ol disiplinari fos.

Olgeta dispela lain i karim bikpela save na ol i wok long stretim gut rot bilong dispela bikpela amamas we bai kamap long mun antap.

Sir Peter em i siaman bilong Nesenel Ivens Kaunsil (NEC) husat i bin go pas long amamasim namba 25 Independens Anivesari long 2000 aninit long het tok Walking Together, Wokabout Wantaim, Raka Hebou na singsing Wan Kantri i bin kisim luksave olsem singsing bilong ol selebren long yia 2000.

Dispela 30th Anivesari Singsing i kaikaim klostu K8,000 bilong Quakes Productions long mekim.

"Mi wanpela God fiaring man husat i save bihainim lo na mi bilip strong tru long givim bek long kantri samting mi kisim long en," king bilong Pasifik musik i tok. "Mi bin mekim wanpela singsing bilong tingim Indian Osen Sunami hap bilong mani i kam long salim bilong dispela single Rose Of Indian Ocean, na nau mi bai givim liklik i go bek long 30th Anivesari Amamas. Olgeta mani mi mas kisim long namba tu prodaksen em mi bai givim bek long PNGEC long helpim em long wok bilong em."

Hepi 30 Anivesari PNG i kam long Wantok Niuspepa na The National na inap yu na ol pipel bilong yu i amamasim 30 krismas moa.

Yu ken ridim ol stori blong Musik olgeta Mande insait tasol long The National

EMTV GAID

Table listing EMTV programs from 5:29AM to 11:00AM, including Station Open, Joyce Meyer, Ministry, National Nine, etc.

Table listing EMTV programs from 8:27PM to 11:00PM, including EMTV Tok Save, Sunday Night Movie, Jack and the Beans Stalk, etc.

Table listing EMTV programs from 5:29AM to 11:00AM, including Station Open, Joyce Meyer, Ministry, National Nine, etc.

Table listing EMTV programs from 5:29AM to 12:00AM, including Station Open, Joyce Meyer, Ministry, National Nine, etc.

Table listing EMTV programs from 7:26AM to 7:30PM, including Station Open, EMTV Tok Save, Business Success, etc.

Table listing EMTV programs from 5:29AM to 12:00AM, including Station Open, Joyce Meyer, Ministry, National Nine, etc.

Raun wantaim Kanage olgeta wik



YUMI FM NATIONAL WEEKLY HITPARADE Sarere Ogas 13, 2005

Table with 3 columns: Singing, Musik Atis, and Dispela Wik, listing songs like Maten Kandiek, Queen 4 Lane, Tei Kariko, etc.


CATHOLIC RADIO 103.5 FM

Table of Catholic Radio programs from 6:00 AM to 10:30 AM, including Angelus, Meditation, Vatican Radio World News, etc.

Table of Catholic Radio programs from 6:00 AM to 11:00 AM, including Angelus, Meditation, Vatican Radio World News, etc.

Table of Catholic Radio programs from 6:00 AM to 10:30 AM, including Angelus, Meditation, Vatican Radio World News, etc.

Table of Catholic Radio programs from 6:00 AM to 10:30 AM, including Angelus, Meditation, Vatican Radio World News, etc.



Laikim Penpren

Nem: Ken Jerry
 Krismas: 20 (man)
 Adres: C/- Gedion Poas, Gabensis Village, PO Box 109, Lae, Morobe Province
 Save laikim: Raun long ples, go lotu, mekim fani wantaim ol pren, harim musik na raitim pas.

Nem: Julie-Anne Yape
 Krismas: 16 (meri)
 Adres: Margarima High School, PO Box 33, Mendi, Southern Highlands Province
 Save laikim: Pilai gita, basketbol, singim preis singsing, wokim flawa gaden, katim paiawut na waswas long wara.

Nem: John Obeng Gambo
 Krismas: 20 (man)
 Adres: Diabene Secondary Technical School, PO Box 35, Ketan/Sekondi, Ghana, West Africa
 Save laikim: Singsing, stadi, lukim muvi na bungim nupela pren.

Nem: Eze Jay
 Krismas: 13 (man)
 Adres: Andakombi Community School, PO Box 240, Goroka, Eastern Highlands Province
 Save laikim: Go lotu, raun long bus, stadi na tok pilai.

Nem: Gibson Smith
 Krismas: 18 (man)
 Adres: Andakombi Comm School, PO Box 240, Goroka, Eastern Highlands Province.
 Save laikim: Pilai spot, go lotu na pilai gita wantaim piano.

Nem: Robert Hambak
 Krismas: 20 (man)
 Adres: Aitape Vocational Training, PO Box 34, Aitape, Sandaun Province
 Save laikim: Pilai long nambis, harim musik, stori wantaim ol pren, pilai volibol na stadi.

Nem: Joella Ivaroa
 Krismas: 18 (meri)
 Adres: Mercy Secondary School, PO Box 580, Wewak, East Sepik Province
 Save laikim: Go lotu, pilai softball, basketbol na soka, wokim fani, harim musik, lukim TV na waswas long nambis.

Nem: Elsie Kove
 Krismas: 18 (meri)
 Adres: Bema High School, PMB Bema, PO Lae, Morobe Province
 Save laikim: Harim lokal musik, gospel musik, tok pilai, raun long bus, raitim pas, pilai basketbol, volibol na go lotu.

Nem: Mevis Yapegur
 Krismas: 17 (meri)
 Adres: Kimbe Secondary School, PO Box 225, Kimbe, West New Britain Province
 Save laikim: Pilai soka, harim musik, tok pilai na raun wantaim poro, waswas long nambis, ritim buk, go long skul na lotu long Sande.

Nem: Joylin Benson
 Krismas: 17 (meri)
 Adres: Mercy Secondary School, PO Box 580, Wewak, East Sepik Province
 Save laikim: Tok pilai, singsing, pilai volibol, go long lotu, raitim pas na stadi.



STORI TUMBUNA

DISPELA stori bilong tumbuna i kamap long Kaisap long Lagalp, Laiagam, Enga provins. Nem bilong stori Lemian.

LEMIAN em i wanpela rabisman. Em i bin i stap insait long liklik bus bilong maunten Kepau. Narapela hap sait wanpela yangpela meri i stap. Na planti moa yangpela ol man i resis long prenim dispela meri. Husat bai inap long kisim dispela meri.

Man, Lemian i mangal moa yet long dispela meri. Na em i laik traim long toktok na lap wantaim em. Tasol yangpela meri ya i tok bilas long em na i spetim pes bilong em. Na Lemian em i lukim em yet na em i lukim em i rabisman tru, em i no inap long kisim dispela meri. Na tu em i ting mi nogat pik na kina tu. Olsem mi no inap long kisim dispela meri.

Tasol em i ting bai mi i laik traim painim wanpela rot long kisim dispela meri. Olsem na wanpela taim em i go long hap rot na em i hait i stap klostu long rot. Na em i bin painim yangpela meri wantaim mama bilong em tupela i lusim ples bilong tupela na i go painim kaikai long wanpela longwe hap. Orait, Lemian i save pinis tupela i kam i go long arapela hap. Na em i go insait long bikbus tru na em i bin kilim tupela kapul, na pasim strong long rop bilong bus. Lemian i karim mekpas kapul na wokabaut i go i go kamap long rot we yangpela meri wantaim mama tupela i bin i go na bai tupela

kambek long en. Na long rot namel tru insait long bikbus Lemian i bin painim wanpela haus ston. Na em i putim mekpas kapul antap tru long maunten na i putim longpela rop long mekpas kapul na het bilong rop em i bin putim klostu tru long dispela haus. Draipela paiawut na tanget, sayor, olgeta gutpela samting em i putim long longpela rot na i mekim olsem tasol. Na em i painim gutpela hap mambu bilong wokim paia, wantaim stik bilong en; Na em i bin pasim gut long kain lip na skin kapul na long gras bilong kapul. Em i bin mekim samting tru na putim insait long rabis bilum bilong em.

Orait, nau em i wok long singautim ren i kam. Em i tok olsem, "ren i i kam, ren i i kam." Em i toktok olsem. Olaman, tru tumas bikpela ren i bin kamap. Nau em yet i no pilim ren i wasim em na em i go i stap long rot. Orait, mama wantaim yangpela meri, i kamap. Na em i sanap olsem sanguma man. Olaman, ren i

Trik bilong rabisman



wasim tupela nogut tru wantaim kol. Lemian i tok hoo, yutupela i stap we na i kam? Tupela i tok: 'Mitupela i no inap long toktok wantaim yu, bikos ren i bagarapim mitupela nogut tru. Tasol sapos yu i gat hap mambu bilong wokim paia orait yu ken helpim mitupela', tupela i tok olsem.

Na Lemian i tok: 'Sori tupela, mi i gat hap mambu bilong wokim paia. Tasol sori, mi i no inap long kisim nating. Bikos em i bikpela samting tru, i no isi. Olsem mi tu mi i pilim kol tasol mi sindaun nating,' em i tok olsem.

Na lapun meri i traim kisim tingting bilong em pinis na em i tok: orait, mitupela bai i painim pik o bilum samting long bekim, yu orait? Lemian i tok, nogat. Lapun i tok, yu slip wantaim pikinini bilong mi long wanpela taim tasol i orait? Lemian i yesa.

Nau Lemian i kisim hap mambu long bilum bilong em. Na tupela i lukim mak bilong karamap na tupela i pilim em samting tru. Orait, trangu em

wok long wokim paia. Olaman, em taitim bun nogut tru na bikpela paia i kamap. Tasol i nogat paiawut tru.

Lemian i traim tupela na tok: bai yumi kisim paiawut we? Nau tupela tingting planti. Orait, Lemian i tok gen: yutupela i mas lukluk i go long dua na bai yumi olgeta i ken lukim wanpela samting i kamap. Orait, nau tupela i bihainim tok bilong em na mekim olsem em i tok.

Nau Lemian i isi tasol long holim rop bilong paiawut, kapul, ol sayor, lip tanget, na olgeta samting em i bin mekim redi pinis long en. Tupela i lukluk i stap yet long dua. Nau em i bikmaus na singaut strong. Paiawut, kapul, na olgeta samting i kam daun. Na wantu em i pulim rop i kam daun.

Olaman, tru olgeta samting i kapsait nambaut. Nau em i wok long helpim olgeta samting long tupela. Na tupela i ting olsem em i mekim samting tru. Na lapun meri hia i givim naispela meri nating long em tasol.

Olaman, em taitim bun nogut tru na bikpela paia i kamap. Tasol i nogat paiawut tru.

Lemian i traim tupela na tok: bai yumi kisim paiawut we? Nau tupela tingting planti. Orait, Lemian i tok gen: yutupela i mas lukluk i go long dua na bai yumi olgeta i ken lukim wanpela samting i kamap. Orait, nau tupela i bihainim tok bilong em na mekim olsem em i tok.

Nau Lemian i isi tasol long holim rop bilong paiawut, kapul, ol sayor, lip tanget, na olgeta samting em i bin mekim redi pinis long en. Tupela i lukluk i stap yet long dua. Nau em i bikmaus na singaut strong. Paiawut, kapul, na olgeta samting i kam daun. Na wantu em i pulim rop i kam daun.

Olaman, tru olgeta samting i kapsait nambaut. Nau em i wok long helpim olgeta samting long tupela. Na tupela i ting olsem em i mekim samting tru. Na lapun meri hia i givim naispela meri nating long em tasol.

Mi laikim wanpela boi na mi askim long stia tok bilong Laiplain

Dia Laiplain,
Mi laikim boi i kam long narapela provins. Mi bin tokim papamama bilong mi tasol ol i no laik mi maritim em bikos em bilong narapela provins.
Tasol mi laikim tru dispela boi na mi no laik lusim em. Pils, noken tokim mi long lusim em. Tasol bai mi mekim wanem?

Dia Pren,
 Tude, dispela kain wari i stap wantaim planti yangpela pipel bilong wanem, ol i raun long planti provins na ol i sindaun na wok. Ol papamama na tumbuna bilong bipo i no save go longwe long ples olsem na ol i no save long dispela wari. Olsem na ol i no klia long dispela tingting bilong maritim man bilong narapela provins. Dispela tingting bilong wokim pren pasin wantaim man na meri bilong narapela provins i nogat rong bilong em. Nogat. Em i gutpela samting. Yu tok yu laikim dispela boi na yu no laik lusim em.



Dispela i min olsem yu laik maritim em bihain. Ating yu save pinis olsem maritim em i samting bilong stap oltaim inap long pinis bilong laip bilong yu. Dispela samting i pulim yu nau long dispela boi em i wanpela liklik hap tasol bilong maritim. i gat planti arapela samting moa.

Planti taim, tupela pipel bilong longwe ples i maritim na ol samting i save go gut. Tasol planti taim tu, maritim bilong tupela bai popaia. Sampela taim bai em i gutpela sapos man na meri i bilong wanpela ples tasol. Taim yu yangpela, yu no save tingting long narakain kaikai, narakain pasin na narakain tokples. Tasol bihain, bai ol dispela kain samting bai sikirapim bel

bilong yu tru. Olsem na yu mas tingting gut long ol dispela samting. Na papamama bilong yu i save wari tu long ol kain pasin bilong baim meri long kain kain provins. Dispela i ken bringim ol kain wari na pait.

Yu mas tingting long dispela samting tu. Hia long PNG, em i bikpela samting long famili bilong yu i sapatim laik na tingting bilong yu. Dispela i mekim maritim bilong yu i go gut. Ating em i moabeta long sindaun na tingting long ol dispela samting.

Toktok long ol dispela samting wantaim ol pren bilong yu i maritim pinis. Na toktok wantaim dispela boipren bilong yu.

Toktok tu long papamama bilong yu na putim gut yau bilong yu long wanem toktok ol i mekim. Orait, nau yu mekim wankain long ol. Yu laik ol i harim toktok bilong yu, orait, nau yu mekim wankain long ol. Inap long dispela, boipren i ken kam toktok wantaim papamama bilong yu. Husat i ken save? Ating papa-

mama i lukim em na toktok wantaim em na ol i ken senisim tingting bilong ol. Na tu sapos papamama i lukim olsem yu laikim tru dispela boi, ating ol tu bai inap laikim em.

Tasol long ol dispela samting, yu noken hariap. Go isi isi. Yu no kalap tasol wantu insait long maritim. Long wanem, bai yu maritim long taim tru.

i no samting bilong hariap. Moabeta yu go isi na maritim gut na sindaun gut.

LAIPLAIN

Sapos yu gat wari o hevi, rait i kam long Lifeline, P O Box 6047, Boroko, NCD. Yu ken ringim mipela tu long telpon namba 3260011. Raitim trupela nem na etres bilong yu i kam na bai mipela i salim bakim long pas bilong yu. Mipela bai toktok long ol trupela samting yu askim long em tasol bai mipela i no inap long putim trupela nem bilong yu.

Laiplain




Bisnis bilong Groim Diwai insait long PNG - Planim diwai long ol renfores eria

Rot bilong groim ol spisis diwai i save groa insait long PNG Aleurites moluccana (kendol nat)

Nem bilong en: kendol nat
Ples we em i save groa: Aleurites i gat siksipela spisis i save groa long Thailand, Indonesia, Australia na PNG. Kendol nat long PNG i save groa long ol ples i stap klostu long nambis na ol arapela bikpela fores. Yu ken painim long ol renfores we ol i katim o mekim wok long en pinis long mak bilong 800 mita samting antap long mak bilong solwara.

Wanem kain diwai: Aleurites moluccana em i wanpela diwai i save groa hariap na i ken i groa inap 40 mita samting. Namel bilong em i ken groa inap 1mita. Ol han diwai bilong em i save stret tasol. Het bilong em i bikpela na kala bilong skin bilong em i save wait na i save sain. Bikpela bilong skin diwai bilong em i stap namel long 1 na 3 sentimita. Kala bilong ausait skin bilong em i grei, namba tu skin bilong em i red na grin, na insait skin bilong em i braun likik wantaim ol orens rop. Lip bilong em, antap em i grin na aninit em i braun. Taim em i yangpela yet, aninit long lip i gat planti gras. Man plaua bilong em i gat planti han na meri plaua i gat bikpela kiau bilong em.

Prut bilong em i braun o grin na i drai. Kendol nat i gat tupela bikpela na strongpela pikinini 2.5 sentimita long namel na i gris



insait. Bihainim wanem kain ples em i groa long en, i save gat gutpela taim we em i save karim plaua. Ol i save kisim prut bilong em bihain long ol i pundaun jusim diwai. Ol i save rausim ol pikinini bilong em, wasim na draim long san.

Yu ken yusim: Ol i save yusim diwai bilong em long mekim ol kanu long ol nambis ples insait long PNG. Pikinini bilong em i gat wel we ol i save yusim insait long ol pen, vanis, sop na tu bilong lukautim na strongim skin bilong ol diwai sia na tebol samting. Wara bilong pikinini em ol i save yusim long klim ol snek bilong bel long kantri Filipins. Sampela hap bilong dispela diwai em ol i save yusim long stretim ol sua long skin. Long Indonesia ol i save kolim kemiri nat na ol i save kaikaim. Em i gat planti wel long en olsem na ol i save pasim wantaim na yusim olsem kendol.

Rot bilong groim: Bikos pikinini diwai bilong en i gat strongpela skin, kendol nat i no save groa hariap na em i ken sindaun long taim inap long sampela mun.

MCCARTHY & ASSOCIATES (FORESTRY) PTY. LTD.
National & International Forest Consultants
mccaf@datec.net.pg

Lokol PNG kaikai i ken strong moa

OL LOKOL kaikai hia insait long Papua Niugini i ken strong moa sapos ol fama i go het long stretim moa yet na tanim i go long stua kaikai we ol i ken salim na kisim moa mani.

Long dispela rot, ol i ken givim moa veliu o apim mani mak bilong kaikai ol i groim. Long wankain taim ol i ken strongim ol smolholda fama indastri na ol liklik famili yunit.

Wanpela Fud Teknolojis o saveman bilong kaikai wantaim Nesenei Agrikalsarel Risets Institut (NARI), Joel Waramboi i tok ol nupela kaikai prodak em ol liklik manmeri yet i ken tanim i go olsem stua kaikai sapos ol i yusim ol gutpela rot bilong kukim na stretim.

Mista Waramboi i tok ol gaden kaikai olsem kaukau na yam i ken kisim narapela teis na mani mak bilong em i ken go antap moa sapos ol i tanim i go long ol arapela stua



Joel Waramboi i givim stia tok long rot bilong mekim ol jam long ol PNG kaikai long ol fama husat i bin kamap long NARI open de long Bubia long sampela wik i go pinis.

prodak olsem sips.

Kaukau na yam i ken kamap sips na daises taim yu bihainim ol kain kain rot long kukim bai ol i ken stap long taim na i no inap long bagarap. Yu ken mekim dispela taim yu putim insait long wara bilong muli o sol inap long 5 minit samting. Ol dispela kain kaikai i ken stap longpela taim na helpim long taim bilong drai na i nogat gaden

kaikai.

Em i tok tu olsem pres painapol, popo na faiv kona em ol i ken tanim i go kamap jem, pinat, yu ken brukim na memeim i go kamap bata, na rais na soya bir em yu ken mekim flaua long en.

Mista Waramboi i tok ol fama i mas lainim ol dispela kain rot bilong stretim kaikai na yusim long haus bilong ol bai ol i ken mekim ol dis-

pela kain kaikai ol yet. Bihain long en, ol i ken safim long maket tu.

"Lukluk bilong mipela em long developim, putim aut toksave na promotim wok bihain long ol fama i rausim kaikai long graun. Em nau mipela i ken givim stia tok long rot bilong kukim, ol arapela tok-save, trening, wok didiman ekstensen na helpim ol smol holda o liklik fama long kirapim ol liklik indastri olsem," Mista Waramboi i tok.

"Bikpela samting em ol kaikai ol i prosesim pinis, i ken stap long taim, na ol famili i ken kaikaim taim kaikai i sot. Ol proses kaikai i ken apim mani mak ol i kisim.


Na long taim bihain, em i ken helpim long daunim hevi bilong nogat gutpela sindaun, givim wok long ol arapela manmeri, na senisim ol kaikai we mipela i save tromoi mani long baim long ol arapela ausait kantri," Mista Waramboi i tok.



Joel na wanpela arapela fama i sekim ol botol jam ol i mekim long ol kain kain lokol prut.

Cat® D3G, D4G, D5G, Track-Type Tractors

Rugged construction, outstanding reliability - everything you expect from Caterpillar and more!



Outmanoeuvre every job you tackle.

A single lever joystick controls speed, direction and steering on Cat® "G" Series III Hystat Track-Type Tractors. Full powerturn capability is made possible by maintaining power to both tracks at any ground speed or turning radius.

- **Power Train** - Offering powerful six-cylinder Cat® 3046 engine that provides the power you expect from Cat tractors, and the productivity you need to increase your profitability.
- **Undercarriages** - Undercarriages are rugged with strong, durable components for long wear life and lower costs.
- **Operator Stations** - Excellent visibility down to the cutting edge, ergonomically designed controls and fully adjustable armrests for optimum comfort and productivity.

Hastings Deering



PORT MORESBY
Phone: 300 8300
Fax: 325 0141

LAE
Phone: 472 2355
Fax: 472 1477

TABUBIL
Phone: 548 9045
Fax: 548 9155

RABAUL
Phone: 982 1244
Fax: 982 1129



WOL NA PASIFIK NIUS

Solomon Ailan minista promo- tim bisnis i kam long ol ausait kantri

MINISTA bilong Komes, Industri na bilong Solomon Ailan, Walton Naezon i toksave long pablik na ol investa long strongpela tingting na laik long promotim foren invesmen o ol ausait lain i kam wokim bisnis long Solomon Ailan. Ol i bin pasim pastaim miting bilong palamen aste long wanem i no bin gat inap memba o Quorum ol i laikim bilong toktok long wanpela Foren Invesmen Bil.

Dorothy Wickham i ripot olsem Ministar Naezon i bin mekim toktok bihain long palamen i bin feil long i gat Quorum ol

i laikim bilong kamapim na tok oraitm dispela bil.

Mista Naezon i bin tok bihain olsem Solomon Ailan i laikim dispela Bil long wanem, em i givim fea na klia proses o rot bilong karimaut wok invesmen na i go het na tok, foren invesmen i ken kamapim moa sans long wok na karimaut moa bisnis bilong ol pipel bilong Solomon Ailan na kamapim wanpela gutpela eria bilong ikonomi.

Em i tok i longpela taim nau kantri i bin givim hevi long em yet taim em i mekim hat long ol investa i go mekim

ol wok bisnis.

Ol investa long Welpam, Oil, Turisim, Maining, Menufeksaring na ol narapela risos neis i ken kamapim planti handret wok bilong ol pipel bilong kantri we long nau i laikim planti handret wok bilong ol "school drop outs" o ol lain i pinis long skul na i stap nating.

Em i tok, long nau, em i hat long inves insait long Solomon Ailan na ol i mas save olsem ol i stap insait long kompetisen o resis wantaim ol narapela kantri long rijen.

China bai helpim Vanuatu long trenim ami

VANUATU i tok pinis olsem Saina i tok orait pinis long helpim em long trenim ol ami bilong em.

Polis Minista bilong Vanuatu, Geroge Wells i tok, Gavman bilong Saina i bin tok tu long givim mani long ol narapela projek bilong polis em i klostu US\$290,000 long mani bilong Amerika..

Em i tokaut long dispela bihain long em i mekim wokabaut igo long saina ino long taim i go pinis.

Mista Wells i tok ol i ibin sainim tupela agrimen wantaim het bilong People's Liberation Army bilong Saina long helpim Vanuatu Polise na Vanuatu Mobail Fos (VMF).

Namel long ol samting insait long agrimen, em long ol Yuniform na ikwipmen bilong VM-F na saplai bilong sampela ka.

bilong em i go long Noten Marianas long yia 2007 taim ol i pinisim ol wok bilong mekim bikpela na longpela Ranwe long Narita Intenesenel ples balus long Tokyo. Tasol em bai wokim ol operesen pastaim antap long ol Ailan long mun Oktoba bilong dispela yia. JAL i bin tokim Pacnews olsem balus inap flai gen i go long Saipan insait long tu or tripela yia bihain.

Em i tok long nau, kampani i no inap go het long ol ron bilong em.

JAL i wok long katim o pasim tu ol ron bilong balus bilong em i go long Honolulu, Guam, Bali, Seoul na Ho Chi Minh siti.

Japan difens autim wari bilong em long Saina

JAPAN Difens Egensi i tok gavman bilong em i wari long Saina i kirapim strong wok long ami bilong em.

Niusman Shane McLeod i ripot olsem dispela tok lukaut i hap bilong anuel ripot bilong ejensi we em i tok Saina i mas kamapim ol samting long miiteri bilong em long ples klia bai olgeta i ken lukim wanem samting em i mekim.

Japan difens pepa i luksave olsem Saina i wok long lusim moa mani long difens.

Em i tok Japan i mas skelim sapos ol wok Saina i mekim bilong apim strong bilong difens bilong em i abrusim mak bilong strongim ami bilong lukautim gut kantri.

Japan Difens Ejensi i tok dispela samting long Saina i no samting bilong pret long en, tasol em i hop Saina bai kamapim gut moa trenperensi o noken wokim hait pasin long difens polisi bilong en na wanem samting em i ken mekim.

Dispela difens pepa i tok em i no klia sapos Not Korea i wok long maus wara o nogat taim em i tok em bai holim ol nuklia wepon.

Em i tok ol i noken ting em i maus wara tasol. Ol i mas lukluk gut long en.

Air Pacific tok ol pailot bilong em i no lusim em

Air Pacific, Nesenel keria bilong Fiji i tok, ol toktok olsem moa pailot bilong em i risain pinis i o tru.

15 pailot i bin risain taim rekrutmen long wok long Arabian Gulf i bin stat long las yia.

Sief Eksekutyutiv Opisa, John Campbell i tok, ol inap rikrutim o kisim 12-pela nupela pailot long Fiji wantaim long apoinmen bilong ol ekspatriet pailot o i kam long narapela kantri na long sem taim, ol asples rikrut i wok long kisim training bilong kisim ples bilong 15 husat i bin risain.

Em i tokbalus kampani i no tok ol Midel Is balus kampani bai i go het yet long rikrutim ol pailot bilong Fiji.

Japan balus kampani bai statim ron long Noten Marianas

JAPAN Ealain i tok em bai nap statim ron bilong ol balus

RADIO TOK PISIN PROGRAM	
TUNE IN: 101.9 FM	
Radio Australia Tok Pisin Program - stat long mun Mas 2005	
MANDE Morning	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
Naft	
7PM	Stesen Op
7.01PM	Ol Hetlain na Program Priviu
7.15PM	Spots
7.30PM	Nius na Karent Afes
8PM	Helt
8.15PM	Musik
8.30PM	NIUS
8.40PM	Spots Riplei
8.55PM	Musik
9PM	Stesen Pas
TUNDE Morning	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
Naft	
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karent Afes
8PM	Mama Graun
8.15PM	Musik/Spots
8.30PM	NIUS
8.40PM	Helt Riplei
8.55PM	Musik
9PM	Stesen Pas
TRINDE Morning	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
Naft	
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karent Afes
8PM	Focus
8.15PM	Musik/Spots
8.30PM	NIUS
8.40PM	Mama Graun Riplei
8.55PM	Musik
9PM	Stesen Pas
FONDE Morning	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
Naft	
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karent Afes
8PM	Youth
8.15PM	Musik/Spots
8.30PM	NIUS
8.40PM	Focus Riplei
8.55PM	Musik
9PM	Stesen Pas
FRAIDE Morning	
6AM	Stesen Op - Nius Hetlain - Musik na ol intaviu
6.30AM	Nius na Karent Afes
7AM	Stesen Pas
Naft	
7PM	Stesen Op
7.01PM	Ol Hetlain na Program Priviu
7.15PM	Musik na Chit-Chat
7.30PM	Nius na Karent Afes
8PM	Wantok
8.15PM	Musik
8.30PM	NIUS
8.40PM	Youth Riplei
8.55PM	Musik
9PM	Stesen Pas
SARERE	
Naft	
7PM	Stesen op - Ol Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Wantok
8PM	Lokal Beri
8.30PM	Nius
8.40PM	Musik/Chit Chat
9PM	Stesen Pas
SANDE	
Naft	
7PM	Stesen op - Ol Nius Hetlain/Program Priviu
7.05PM	Musik na Chit Chat
7.30PM	Nius
7.40PM	Femil Blong Serah (Radio Piel)
8PM	Lukluk Bek Long Wik
8.30PM	Nius
8.40PM	Musik/Chit Chat
9PM	Stesen Pas

TOKSAVE: YU KEN HARIM RADIO AUSTRALIA TOK INGLIS LONG 7 AUA 7 DE LONG WAN WIK

Pacific BEAT

Listen to Radio Australia
101.9FM Port Moresby

4, 5, 6am & 4pm, 5pm
including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

RAGBI LIG

PNGRFL SP Kap
 Sande 14/08/05
 Semi Final
 1:00 Broncos vs Bomber POM
 3:00 Bulldogs vs Guria POM

POT MOSBI RAGBI LIG

Sarere Ogas 13, 2005
 PRL 1
 09:00 Tarangau vs Royals Res
 10:30 Paga vs Kone Tigers Res
 12:00 Post Puma vs Waliya A
 1:30 DCA vs Defence A
 3:00 Magani vs Hawks A
 4:30 Tarangau vs Royals A
 6:00 Paga vs Kone Tigers A
 PRL 2
 09:00 Post Puma vs Waliya U17
 10:00 DCA vs Defence U17
 11:00 Magani vs Hawks U19
 12:00 DCA vs Defence U19
 1:00 Post Puma vs Waliya Res
 2:30 DCA vs Defence Res
 PRL 3
 09:00 Paga vs Kone Tigers U17
 10:00 Magani vs Hawks U17
 11:00 Tarangau vs Royals U17
 12:00 Puma vs Waliya U19
 1:00 Tarangau vs Royals U19
 2:00 Magani vs Hawks Res

Sande Ogas 14, 2005

PRL 1
 09:00 West vs Souths A
 10:30 Brothers vs Dobo Warriors A
 12:00 Wardstrip vs Philip Aravure U12
 1:00 B/B Bulldogs vs Agmark Guria
 3:00 Monier Broncos vs LBC Bombers
 PRL 2
 09:00 Brothers vs Dobo Warriors U17
 10:00 West vs Souths U17
 11:00 Post Puma vs Waliya U19

12:00 Brothers vs Dobo Warriors Res
 PRL 3
 09:00 West vs Souths U19
 10:00 Brothers vs Dobo Warriors U19
 11:00 Paga vs Tigers Res

SOKA POT MOSBI SOKA ASOSIESEN

Sarere Ogas 13, 2005
 Bisini 1
 08:00 UBOG vs Lus Prutz D2
 09:30 PS Rutz vs Cosmos P/Res
 10:30 Zombie vs M/Yarangs D3
 11:50 Sunset vs Souths Utd U21
 13:10 Lamana vs PS Rutz WP
 14:20 Tawala vs Los Negros W1
 16:00 Rapatona vs Blue Kumuls Prem
 Bisini 2
 08:00 LBC Defence vs M/Momase P/Res
 09:30 Naniu vs Los Negros D1
 10:30 University vs Telikom WP
 11:50 PS Rutz vs Cosmos P21
 13:10 LBC Defence vs Naniu W1
 14:20 PS Rutz vs Cosmos Prem
 16:00 University vs Kurti Andra Prem
 SJGS - Oval 1
 08:00 KG Utd vs Sobou D3
 09:20 Sunset vs Jaha W1
 10:30 Bavarako vs Los Negros U21
 11:50 University vs Kurti Andra P/Res
 13:10 POM BusCol vs M/Yarangs U21
 14:20 Orogen vs Jaha D2
 16:00 Verave vs PNG Gardener D2
 SJGS - Oval 2
 08:00 Mungkas vs Cellnet U21
 09:20 Souths Utd vs Mungkas W1
 10:30 Femor vs Korion D2
 11:50 KB Utd vs Nomads D3

13:10 Guria vs Sobou U21
 14:20 Moobi vs Yawata D3
 16:00 Tarangau vs Telikom D2
 Sande Ogas 14, 2005
 Bisini 1
 08:00 Rapatona vs B/Kumuls P/Res
 09:20 PNG Gardener vs Murat WP
 10:30 Rapatona vs B/Kumuls U21
 11:50 Rapatona vs Guria WP
 13:10 Mungkas vs Murat D1
 14:20 LBC Defence vs M/Momase Prem

Bisini 2
 08:00 LBC Defence vs M/Momase U21
 09:20 Bavarako vs Manambu D1
 10:30 University vs Kurti Andra U21
 11:50 Ela Utd vs Badili Utd D1
 13:10 Guria vs Pacifica Utd D1
 14:20 Sunset vs Souths Utd Prem
 SJGS - Oval 1
 08:00 Lus Prutz vs Jaha D2
 09:20 KB Utd vs Zombies D3
 10:30 UBOG vs PNG Gardener D2

11:50 Mopi Soweto vs Moobi D3
 SJGS - Oval 2
 08:00 Verave vs Telikom D2
 09:20 Maset vs Raitman D3
 10:30 Mopi Soweto vs Sobou W1
 11:50 Manambu vs Badili Utd U21
 13:05 Yawata vs Nomads D3
 14:20 Maset vs M/Yarangs D3
 16:00 Mopi Soweto vs Bomana PC D3
 Bye: Tawala (D2), Cellnet (D1), Souths Utd (P/Res), WMI (WP)

EVEDAHANA SOKA ASOSIESEN

9 MAIL
 Sarere Ogas 13, 2005
 ESA 1
 08:00 Gara Utd vs K-Top Mahnduz meri
 08:40 Junction vs Finka Res
 09:20 K-Top Mahnduz vs Bros D3

10:00 Wasu Crabs vs Outsiders D3
 10:40 Namagawi vs Kilengs Res
 11:10 Finka vs Notna meri
 11:50 Gee Neps vs Names D1
 12:40 D-Rats vs Sulu Res
 13:20 Nen Konok vs Sapphire D2
 14:00 Gala Konok vs Wopa Utd D3
 14:30 Junction vs Texas D1
 15:20 AGM Roots vs TKSS D2
 ESA 2

08:00 Raitopos vs Country Roots D3
 08:40 Natara vs Siale meri
 09:20 Graveside vs Gala Konok Res
 10:00 D-Rats vs Graveside meri
 10:40 Brothers vs Notna D2
 11:10 Sapphire vs Batisalem D3
 11:50 Wasu Crabs vs AGM Roots meri
 12:40 BS Natives vs Nalas Res
 13:20 Country Roots vs Texas meri
 14:00 Natara vs Gaidi Utd Res
 14:35 Outsiders vs K-Imindos D2
 15:20 BS Natives vs Kilengs D1
Nogat pilal long Sande Ogas 14, 2005.

ORO VILES SOKA ASOSIESEN

Sarere Ogas 13, 2005
 07:30 Saipex vs Zandas MB
 08:20 Ottas vs Songe MB
 09:10 Papas vs Diwune MB
 10:00 Tamata vs Mamas meri
 10:40 Saipex vs Zandas meri
 11:20 Beda vs Tufi Fjords MB
 12:10 Tamata vs Bokoro MB
 1:00 Ottas vs Tufi Fjords meri
 1:40 Saipex vs Zandas MA
 2:30 Papas vs Diwune MA
 3:20 Tamata vs Bokoro MA
 4:10 Mambus vs Ormilats MB
 Sande Ogas 14, 2005
 07:30 Kumusivs Ehe Kombu MB
 08:20 Asumnaiyes vs Pongoros MB
 09:10 Musa vs Hillside MB
 10:00 Diwune vs Songe meri

10:40 Musa vs Bokoro meri
 11:20 Hillside vs Mambus meri
 12:00 Kumusi vs Ehe Kombu MA
 12:50 Ottas vs Songe MA
 1:40 Asumnaiyes vs Ormilats W
 2:20 Musa vs Hillside MA
 3:10 Asumnaiyes vs Pongoros MA
 4:00 Mambus vs Ormilats MA
 4:50 Beda vs Tufi Fjords MA

BASKETBOL CBL

Sarere 13/08/05
 Kot 1
 8:30 Souths vs Birdwing U19B
 9:30 Souths vs Birdwing U19G
 10:30 Souths vs Birdwing RW
 12:00 Souths vs Birdwing RM
 1:30 Souths vs Birdwing AW
 3:00 Souths vs Birdwing AM
 Kot 2
 8:30 Saints vs Titans U19B
 9:30 Saints vs Titans U19G
 10:30 Saints vs Titans RW
 12:00 Saints vs Titans RM
 1:30 Saints vs Titans AW
 3:00 Saints vs Titans AM
 Sande 14/08/05
 Kot 1
 8:30 Exodus vs Jazz U19B
 9:30 Exodus vs Jazz U19G
 10:30 Exodus vs Jazz RW
 12:00 Exodus vs Jazz RM
 1:30 Exodus vs Jazz AW
 3:00 Exodus vs Jazz AM
 Kot 2
 8:30 Chariots vs Muruks U19B
 9:30 Chariots vs Muruks U19G
 10:30 Chariots vs Muruks RW
 12:00 Chariots vs Muruks RM
 1:30 Chariots vs Muruks AW
 3:00 Chariots vs Muruks AM

Bai: Tamaraws

Sampela piksa bilong tiketa-tep pared bilong Tim PNG





• PNG etletik tim we i bin winim 10-pela gol medol, tripela silva na faivpela brons i amamas na soim medol bilong ol taim ol i kamap long Jackson Intenesenel Eapot long las Fraide. Ol i winim namba bilong medol long histri bilong etletik long ol pilai bipo.



• Kila Kila Praimeri Skul pilaia i paulim gut Gerehu Praimeri Skul pialia long taim tupela i pilai long NCD skul osi rul kompetisen long Amini Pak las Sarere.



• Bai yu go we? Monier Paramana (*han kais*) i no laik birua pilaia bilong em long Sparrows i abrusim em na tromoi bal i go long wan pilaia bilong em. Dispela em long pilai bilong tupela long Pot Mosbi netbol kompetisen long Rita Fiynn Kot long las Sarere.



• Yah! Pot Mosbi bodibilda Lukas Werwin i traim ol masol bilong em bipo long ol opisel na ol manmeri long lonsing bilong 2005 PNG nesenel Gem long Sir John Guise Indo Kompleks las Fraide. Planti ol kain pilai bai kamap long Goroka long Novemba bihain long dispela yia.



• Welkam hom: Wetlifta Kathleen Hare i kisim gutpela welkam long tupela iiklik kasen bilong em Luke (3) na Samantha P.J. Abrientos, 3. Hare i winim silva na brons medol long 48 kilo grem. Ol poto: ANDREW MOLEN



• Wetlifta Jeffery Robby i amamas na soim ol silva medol em i winim long Palau mini Gems. Robby i sempion bilong 62 kilo grem divison long 2003 Fiji Saut Pasifik Gem we em i kisim gol medol tasol nau em i abrus. Em i tok em bai traim gen long 2007 Samoa Saut Pasifik Gem long win.



NRL NIUS



• Nu Silan Warriors yutiliti Lance Hohaia (antap) i no inap pilai moa long dispela sisen bihain long em i kisim bagarap long skru bilong em long taim tim bilong em i pilai wantaim Parramatta Eels las Sarere, kosa bilong em Tony Kemp i tok. Kemp i tok long dispela taim Warriors i wok long redi long pilai wantaim Melbon Storm long Melbon long dispela Sarere. Kisim bagarap long dispela taim tu em senta Jérôme Ropati. Ol narapela pilaia bai kisim ples bilong ol.



• Long nupela lukluk long 2005 NRL primiasip taitol ol Dragon i luk fevoret long kisim taitol moa long Broncos na Parramatta Eels husat i go pas long em. Dispela em bihain long ol i hamarim Cowboys long las Fraide nait. Long 17 NRL pilai ol winim 13-pela olgeta long dispela.



• Banis bilong Canterbury Bulldogs i wok long bruk isi we dispela i lukim ol Newcastle i winim ol isi 28-13 long las Sarere. Moa yet ol bai bungim taim nogut we nau long dispela taim sampela gutpela pilaia bilong ol i kisim bagarap na olsem ol bai i no inap pilai. Ol bai abrusim ol pilaia olsem Sonny Williams, Willie Tonga na hap bek Brent Sherwin, Hazem El Masri, Luke Patten na Trent Cutler long taim ol i pilaiam Parramatta Eels dispela Fraide nait.



• Long dispela pilai. Dispela taim golden taim i senis we South bilong NRL ol bai Sydney i winim d e d i k e t i m primiasip tupela faopela primiasip taim long 1970 na pilai bilong raun 24 i go long ol pinis wantaim 70s. 70's bikos Dragons i winim em i taim we i bin Bulldogs long bikpela senis long ragbi lig 1979.

• West Tigers i no laik long histori i kamap gen. Dispela long wanem tripela sans bilong ol long mekim fainols i go lus nating bihain long ol i lus long narapela klab.

Tasol sapos ol i win dispela bai namba wan taim bihain long planti yia we West Tigers i gat gutpela sans long go insait long semi-fainol. Ol i nidim tasol wanpela win long soim tru olsem ol bai mekim long fainol. Ol bai pilai wantaim Not Kwinnslen Cowboys long dispela Sande.

Na man husat bai ken helpim ol long lukim dispela driman em hap bek bilong ol Benji Marshall (han kais). West Tigers i wok long painim hat long pilai gut inap dispela nupela Nu Silan boi i kam joinim ol we i lukim ol i abrusim planti ol gutpela NRL tim.

Long helpim ol tu long dispela pilai bai kepten yet Scott Prince na O'Neill.

"Nau yet mipela i lukim dispela sans bilong go insait long semi fainol olsem mipela bai mas go antap long wanpela bikpela maunten," Prince i tok.

Nau yet ol i stap long namba foa ples bihain long Brisbane Broncos, Parramatta Eels na St George Illawara Dragons.



• Noken amamas tumas, Nathan Cayless (han sut) kepten bilong Parramatta Eels i tok long St George Illawara Dragons husat i stap long namba tri ples bihain long ol long NRL poin lata. Dispela em bihain long ol lukluk i stap nau we kosa bilong Eels Brian Smith i join wantaim ol arapela na tok olsem ol Dragons i luk moa fevoret long Parramatta maski ol Parramatta i go pas long ol long NRL poin lata.

Tasol Cayless i tok dispela em i no tru na i tok husat man i gat kain tingting olsem i sot long gutpela tingting.

"Husat man o meri i gat kain tingting olsem i mas sot long tingting long wanem long raun 18 mipela i pilai wantaim ol na winim ol 40-14," Cayless i tok.



Raun 23

Fraide, Ogas 12- Eels vs Bulldogs. Yu ken lukim long EMTV long 8.30 long nait.



Sarere, Ogas 13 -
Storms vs Warriors
Raiders vs Rabbitohs
Roosters vs Sharks

Sande, Ogas 6 - Broncos vs Dragons. Yu ken lukim dispela long EM TV long 4:00-6:00 avinun.



West Tigers vs Cowboys
Knights vs Sea Eagles

Bai: Panthers

NRL Poin Lata (after rnd 15)

Klab	P	W	D	L	B	P/D	Pts
1 Broncos	20	15	0	5	2	156	34
2 Eels	20	13	0	7	2	147	30
3 Dragons	21	13	0	8	1	114	28
4 Wests Tigers	20	12	0	8	2	65	28
5 Cowboys	20	11	0	9	2	65	26
6 Sea Eagles	20	11	0	9	2	-24	26
7 Sharks	20	11	0	9	2	-36	26
8 Storm	21	11	0	10	1	160	24
9 Bulldogs	20	9	1	10	2	-52	23
10 Raiders	20	9	0	11	2	-69	22
11 Warriors	21	9	0	12	1	9	20
12 Roosters	20	8	0	12	2	-31	20
13 Panthers	21	8	0	13	1	-40	18
14 Rabbitohs	20	6	1	13	2	-222	17
15 Knights	20	5	0	15	2	-242	14


* P: Pilai, W: Win, D: Dro, L: Lus, B: Bye, P/D: Poin Diferens, PTS: Poin

Top 10 poin skora

Pilaia	Tim	Poin
1. Brett Hodgson	Sharks	204
2. Hazem El Masri	Bulldogs	180
3. Preston Campbell	Panthers	164
4. Luke Covell	Sharks	140
5. Stacey Jones	Warriors	135
6. Luke Burt	Eels	134
7. Matt Orford	Storms	134
8. Michael Witt	Sea Eagles	134
9. Darren Lockyer	Broncos	133
10. Clinton Schifcoske	Raiders	122



• Kiwi Tes winga Matt Utai i kisim sas long mekim gret foa hai takol long wisket bilong Newcastle risev pilaia Dustin Cooper long taim Bulldogs i lus 28-13 las wik. Utai i no sanap yet long kot long bekim dispela ol sas.



Faopela tim i go insait long fainol

Timothy Lema i raitim

TWENTI faiv tausen kina mani i mas mekim ol tim i pilai strong long kisim.

Na bihain long 14-pela pilai foapela tim tasol i holim strong long go insait long ol fainol.

Dispela foapela tim em Brian Bell Bulldogs husat i stap lida na kamap maina primia na bihainim ol em Rabaul Agmark Guria, Lae LBC Bombers na Pot Mosbi Monier Broncos.

Dispela tupela pilai bai kamap Pot Mosbi.

Namba wan pilai bai stap namel long tupela top tim em Bulldogs na Guria namba tu pilai bai stap namel long Bombers na Broncos.

Lus bilong Bombers na Broncos bai lukim em i hangamapim sut long 2005 sisen. Na wina bilong tupela bai lukim em i pilaim lusa bilong Bulldogs na Guria.

Dispela bai ol strongpela pilai na olsem PNG Ragbi Lig opisel i hop olsem ol samting bai kamap gut we nogat ol hevi i mas kamap.


Husat manmeri i kamapim hevi o laik kamapim hevi bai kisim bikipela mekim-save long han bilong ol opisel.

Long pilai bilong Bulldogs na Guria dispela bai lukim tupela strongpela tim i sekim tupela yet long husat tru i papa bilong SP Kap.

Bulldogs kepten Stanley Hondina wantaim strongpela toktok i kam long kosa Chris Enara bai i no laik lukim ol pilaia bilong em i gat tupela tingting long pilai.

Ol i laik mekim samting stret na soim olsem ol i namba wan long dispela kompetisen.

Long helpim Hondina na kontrolim pilai bai hap bek Geno Kima. Wantaim Kima em huka Andrew Andiki. Long bek lain bai



• Sori tumas: Charlie Wabo bilong Brian Bulldogs i hamarim Guria pilaia long raun 8 bilong SP Kap long Pot Mosbi. Sanap na lukluk long wan pilaia bilong em Guria hap Jessie Alunga. Dispela Sande tupela tim bai traिम strong gen long husat tru i lida bilong SP Kap. FAIL POTO

senta Charlie Wabo. Long wankain taim ol Guria bai sanapim banis bilong ol na sutim ol misail i go long Bulldog. Long go pas em kepten yet na stap long lok Michael Marum. Marum bai kisim helpim long hap Jessie Alunga, senta Chris Purkikil na prop Lucas Solbat. Ol arapela em fulbek Menzie Yere, faiv eit James Dummie na Opisa Pomba.


Long "stap laip yet o dai" pilai namel long Broncos na Bombers em narapela strongpela pilai.

Ol Bombers bai kisim dispela sans long bekim dinau bilong ol. Kosa Joe Katsir bai tokim ol pilaia long gat bilip long ol yet na

pilai na bihainim tasol gem plen bilong ol. Long go pas long ol em bipo Kumul pilaia Russ Kaupa jnr na Randal Kaupa, winga Jerry Bomai na kepten yet Lucas Daniel.

Long ol Broncos em kosa Ivan Ravu i mas lain long senisim posisen bilong ol pilaia sapos em i laikim ol boi bilong em i win liklik.

Long go pas long ol Broncos em kepten yet na senta Leroy Muriki. Muriki bai kisim helpim long fulbek Nickson Nagle, senta Eki Ene na huka Toua Kohu. Ol narapel husat i ken helpim gut em seken ro Solomon Hui na lok Paulus Mondo.



• Guria kepten Michael Marum husat i ki bilong bringim win i go long Rabaul Guria. Hia em i mekim takol long Joe Sipa.



• Broncos senta Eki Ene husat i wangepa ki pilaia bilong tim long kamapim win long dispela Sande.



• Moses Tolingling, wangepa gutpela referi bilong SP Kap pilai husat bai holim wisil long wangepa bilong dispela ol pilai long Sande. Ol pilai i nidim ol gutpela ref.



• Brian Bell Bulldogs Joe Sil husat bai redi long brukim banis bilong Guria.

Ol pilaia husat i holim win

Paul Zuvani i raitim

LONG lukim win ol tim i save lukim ol pilaia husat i karim pilai bilong ol.

Long dispela as dispela wiken bai wankain taim Pot Mosbi Brian BellDogs, Rabaul Agmark Guria, Lae LBC Bombers na Pot Mosbi Monier Broncos i bungim ol yet.

Bulldogs husat i gat wan poin antap long Guria na husat bihainim kain we ol i pilai i gat liklik fevoret tingting i go long ol long pilai bilong tupela long mein gem tong Lloyd Robson pilai graun long dispela Sande.

Long kisim win i go long ol tim bai lukluk long kepten Stanley Hondina. Hondina i save wanem taim em pilai i strong na wanem taim em ol i inap long brukim banis bilong birua. Em i save toktok gut namel long ol pilaia long wanem samting ol i mas mekim. Na taim pilai i hat em i save kikim bal long larim ol pilaia bilong em i ron i go na kisim bal. Sapos banis bilong Guria i hat long brukim Hondina bai mekim olsem long brukim banis. Wantaim em tim bai lukluk long gutpela ron bilong winga Abraham Yobale na senta Charlie Wabo. Tupela i save pilai hat maski birua tim i banisim olgeta rot. Long brukim ol



• Chris Enara, Brian Bell kosa husat i wokhat long winim SP Kap.

bikipela banis Bulldogs bai lukluk long seken rowa Joe Sil. Sil i no save wari long ol banis na em bai givim het pen liklik long ol Guria. Wantaim em bai prop Joe Sil. Bung bilong Sipa na Sil bai givim hat taim long ol Guria.

Long sait bilong Guria ol pilaia em tim bai lukluk long ol long kamapim win em kepten Michael Marum. Marum i no man bilong toktok tumas tasol sapos taim

nogut i kam em bai yusim maus na yusim olgeta gutpela tingting bilong em.

Na ol man olsem hap bek Jessie Alunga, senta Chris Purkikil na prop Lucas Solbat bai helpim em na givim win long Guria.

Long kem bilong Bombers em kepten yet Lucas Daniel. Wantaim Daniel em prop na bipo Kumul pilaia Tony Dai na winga na bipo junia Kumul pilaia Jerry Bomai. Narapela ol pilaia husat Bombers i lukluk long helpim na kamapim win em faiv eit Randal Kaupa na Russ Kaupa Jnr.

Long ol Broncos em kepten Leroy Muriki, fulbek Nickson Nagle, senta Eki Ene na huka Toua Kohu. Brukim o sanapim banis em Solomon Hui, Luke Kolalio na Roy Tela.

Sapos sampela hevi i kamap na dispela ol pilaia i no inap pilai dispela bai min olsem dispela ol tim bai win o nogat.

Ol narapela foapela tim husat i bin pilai tasol las wik i hangamapim su bilong ol em foapela hailan tim- Goroka Coca Cola Lahanis, Mt Hagen Chemica Cowboys, Wabag Toyota Mioxks na Mendi Mabey & Johnson Muruks.

Dispela ol tim bai wet inap 2006 sisen i kamap gen.

PNG kriket laik strongim beting

Andrew Molen i raitim

BIHAIN long foapela yia, Papua Niugini bai i gat bikipela moa sans long go insait long kriket wol kap o long winim wanpela sapos ol developmen program bilong ol ron gut tasol.

Dispela em tingting bilong siaman bilong Papua Niugini Kriket Bod (PNGCB) siaman Mick Nades long dispela wik taim PNGCB i tokaut long PNG anda-19 tim we bai go pilai long Intenesenel Kriket Konfederesen (ICC) Afrika/Isia Pasifik Anda 19 Wol Kap kwalifaing pilai long Benoni, Saut Afrika long pinis bilong dispela mun.

Em i tok PNG inap long ol narapela kantri long wol long sait bilong bouling o tromoi bal na fiding tasol beting em samting em i gat hevi long em.

"As bilong dispela em bilong wanem mipela i nogat gupela ples bilong pilai long hia," Nades i tok.

Em i tok gupela ples bilong pilai bai i lukim bai i kirap gut long graun na bai mekim ol batsmen i lainim gut kalap bilong bal bai ol i ken save long paitim olsem wanem.

Narapela samting em PNG kriket i mas gat planti ol pilai em i kamap long ol long kantri yet na long long narapela kantri bai ol pilai i ken i gat gupela save na ekspirtsens.



(l-r) Anda 19 kosa Vavine Pala, PNG Kriket bod siaman Mick Nades, Kila Pala, menesa Arua Rarua na vais siaman Lakani Oala amamas na tromoi bal. Foto: ANDREW MOLEN

"Ol gem bilong mipela i save kamap namel long Kwinslen (Australia) na PNG tasol. Em bai gupela sapos i gat moa gem wantaim ol narapela kantri na riji long wol tu," Nades i tok.

Siaman i tok wanpela wei long mekim ol pilai i pilai planti moa gem em long statim kriket sisen hariap bai em i ron long taim.

"Mipela i laikim bai ol i pilai moa ova bai ol i ken save long stap long taim long fil," Nades i tok.

Em i tok long nau ol i lukluk long kamapim sampela bikipela program long bihain taim bai i ken developim kriket long PNG.

"Nau mipela i gat kriket kompetisen bilong ol skul, ol meri na mipela i kisim i go long ol ples tu," Nades i tok.

Telikom PNG anda-19 tim meneja Arua Rarua i tok wanpela samting ol bai i lukluk long em long trening na tu long taim bilong pilai em long sait bilong bet bilong

wanem dispela em i wanpela eria PNG i save painim hat liklik long en.

"Sapos yu lukim time m i gat planti batsmen na tupela boula husait ol tu i save bet.

"Dispela i soim olsem mipela i laik strongim sait bilong bet bilong mipela," Rarua i tok.

Anda 19 pilai bai stat long Ogas 20 na pinis long Ogas 27.

Long sapotim tim Telikom i bin givim K50,000 long tim las wik long mekim ol trening na wokbaut bilong em.

Long dispela skwat faivpela memba i bin go pilai long Namibia long 2004 na kwalifai long las yia Bangladesh Wol Kap pilai. Na long dispela faivpela foapela pilai i bin go pilai long Bangladesh. Faopela husat i go pilai long Wol Kap em Kila Pala, Jack Vare, Kapena Arua na Assad Vaia. Jack Ebani i go tasol long Namibia.

Ful anda 19 skwat em ol batman- Pala (kepten), Jack Vare, Kapena Arua, Assad Vaia, Jeremiah Nigani, Tolai manki Minias Mokmok, Emmanuel Karo; ol boula- Jack Ebani, Loa Sisia, Norbert Kunia, Arua Rarua, George Boge, Oala Seura na Jacob Mado.

Non treveling risev pilai em Udu Vai, Vagi Nou na Ovia Dogodo. Ol opisel em kosa Vavine Pala na Babani Maraga (menesa).

Hap hap spot

Nasa helpim Guria long win

LAS wik Pot Mosbi soka pilai long Bisni pilai graun i lukim ol boi long Guria i no isi long guriaim ol mangi Sepik, Manambu, we ol i sutim gut nus bilong ol 4-0.

Long go pas long ol em Guria kepten yet Raymond Nasa husat i no isi wantaim sapot bilong ol sinia plaias olsem David Panap, Greg Baro, na gol kipa Roland Saimon. Wantaim dispela ol pilai ol mekim pilai i kamap gut tru. Long hap taim ol Guria i go pas 2-0.


Namba wan hap bilong pilai i lukim Nasa i straikim gupela bol we dispela i lukim Guria i go pas wantaim 1-0. Bihain long dispela Panap i setim gen Nasa we em i skoaim namba tu gol bilong em. Namba tu hap i lukim Nasa i skoaim namba tri gol bilong em long 65 minit taim em i kisim gen narapela gupela bal long Panap na Baro.

Ol boi Sepik i lukim olsem na wantaim kepten bilong ol Nathan Vincent ol i traim long bekim tasol strong i sot. Pilai i go gut inap midfifa Adam Lema i pinisim hop bilong ol wantaim namba foa gol bilong Guria. Lema i skao bihain long sampela gupela bol wok i kam long Panap, Baro na Nasa.

Long fultaim skoa i sanap olsem Guria winim PS Rutz 4-0.

Ol boi husat i pilai strong long helpim Guria em kepten Raymond Nasa, David Panap, Greg Baro, Bomba Jr. Ol yangpela pilai husat i wok bung wantaim long kamapim gupela pilai em Jermey Penisa, long rait bek, Eddie Lema lep bek. Na gol kipa Ronald Saimon.

PNG man go long wol judo pait



• Numa Keneke husat bai go pait long Egypt wol judo sempionsip. Foto: PAUL ZUVANI

PAPUA Niugini Judo Federesen bai salim paitman Numa Keneke long go pait long Wol Judo sempionsip long Cairo, Egypt long Semptemba 8 i go long 11 tonamen. Keneke i gat namba tu Dan Blek Bel long judo.

Em bai pait long 60 kilo grem divison. Aste Keneke i lusim Pot Mosbi na go long Egypt long redim em yet. Em bai kam bek long kantri long Semptemba 15. Bipo long em i go long Egypt em bai go long Jemeni wantaim narapela ol paitman bilong Osenia tim we ol bai stap na kisim sampela trening. Ol narapela pilai long Osenia tim i kam long Australia, Fiji, Nu Sitan, Samoa, Tonga na Amerika Samoa. Wokabaut bilong ol em Osenia Judo Union (OJU) i stretim. Bihain long dispela narapela bikipela pilai em Keneke i mas kwalifai long pilai em OJC sempionsip long Brisbane, Australia long Novemba bihain long dispela yia.

Kari/Koime krai

Paul Zuvani i raitim



• Rita Kari i soim ol medol em i winim long Palau Gems. Foto: ANDREW MOLEN

MANMERI i save krai taim sampela kain hevi i save kamap. Tasol long ol i krai bikos sampela kain gupela samting i kamap dispela i no save kamap tumas.

Dispela i wan kain long taim papa bilong rana Mae Koime na wetlifita Rita Kari i harim lukim tupela i winim gol medol long Palau mini Saut Pasifik Gems.

Wantok spot ripota i lukim aiwara bilong Kari i kamdaun long Fraide avinun long las wik na askim em bilong wanem em i krai taim Tim PNG i kambek long kantri long Palau.

Kari i husat i polis opisa long taun polis stesin i tok: "Bel bilong mi i pulap long ama-

mas na olsem mi i no inap long holim bek. Mi mas krai. Mi amamas long lukim pikinini bilong mi (Rita) i kamapim samting (winim gol medol) em i wok long wokhat long en."

Em i tok bipo Rita i save lukluk long Dika Toua olsem em i model bilong em tasol nau em yet i kamap model bilong ol liklik bilong em.

"Ol liklik brata na susa bilong em tu i laik bihainim em long makim kantri long ol bikipela pilai," Kari i tok.

Rita i winim gol medol long 58 kilo grem long klin na jek na snets.

Na Rita i tok em i laik bihainim lek mak bilong Toua na kamap Saut Pasifik na Osenia sempion.

"Mi laik na mi redi long go moa long makim kantri long Olimpik Gem," Kari i tok.

Dispela 16-yia Gret Nain Badiagwaha Hai Skul meri i no save soim tumas amamas bilong em tasol pes bilong em i ken soim olsem em i gat bikipela drianm i stap yet long we em i mas bihainim.

Dispela stori bilong Kari i wankain long stori bilong papa bilong Mae, Kaina Koime.

Koime i larim liklik aiwara i kamdaun taim em i toktok wantaim Wantok Spot long ol gupela mak bilong pikinini bilong em.

"Mi amamas na mi sapotim pikinini bilong mi i go olgeta. Mi no save olsem wanpela de em bai kamap olsem tasol mi amamas tru long wanem samting em i wok long kamapim na," Koime i tok isi olsem.

"Mae i stat long ron taim em i stap long Kila Kila praimer skul na nau em i ron long ol bikipela resis.

Mae nau i stap long Finlen, Yurop long sampela resis long 100m, 200m na 400m resis.

Talasea soka/volibol tonamen

Steven Kadiko i raitim

TUPELA wik i stap yet long ol yangpela man na meri long Talasea LLG i redi long lukim bikipela soka pilai i kamap long hap bilong ol.

Dispela pilai bai kamap long Talasea stesin na bai kamap long Ogas 25 i go inap long 28.

Oganaising komiti siaman Frank Waka i tok dispela bai namba wan taim Talasea i holim kain bikipela pilai olsem.

Em i tok ol pilai we bai kamap em soka bilong man na meri wantaim na volibol na netbol bilong ol meri.

Tasol ol man husat i laik pilai ragbi seven bai abrus long wanem komiti i no tok orait long dispela pilai i kamap.

Waka i tok komiti bilong em i bilip bai i gat mao long 16-pela soka tim bilong ol man na meri husat bai rejista na kamap long pilai.

Em i tok dispela pilai bai pulim planti manmeri long kamap na olsem em i tokim komiti bilong em long redim gut ol samting.

Bihain long dispela

tonamen Waka i tok Talasea LLG bai makim ol tim bilong go pilai long Wes Nu Britan Provinsol Gem. Na long dispela pilai Wes Nu Britan bai makim ol tim bilong em long go pilai long PNG Nesenenel Gem long Goroka long Novemba bihain long yia.

Long dispela taim em i amamas long Talasea volibol tim we i bin mekim gut long 2004 Wes Nu Britan volibol sempionsip na kamap namba wan.

Wina bilong wanwan ol gem bai kisim ol sil na tropi. Long sapotim dispela pilai Talasea LLG i givim K7,000 long oganaising komiti.

Long taim bilong givim dispela mani Talasea LLG presiden Martin Linge i tok LLG i laik lukim ol pipel bilong em i stap gut na olsem em i lukim spot i bikipela samting long holim ol pipel. Na olsem LLG bai mekim olgeta samting long sapotim wok bilong kamap ol pilai.

Ol pilai bai kamap long Lucas Waka Praimeri Skul pilai graun. Wes Nu Britan Redio bai tokaut long dispela ol pilai.


LAE BISCUIITS CO.

LAE BISCUIT CO
BISCUITS NA STRONGPELA

SPORTS

LAE BISCUIITS CO.

LAE BISCUIT CO
BISCUITS NA STRONGPELA



PNG Kriket
laik
strongim
beting
Pes 31

Bekim Dinaw

...PNG
Bungim
Ireland gen

SAPOS i gat wanpela samting i stap long tingting bilong PNG Mosquito tim long dispela taim em long pulim blut bilong Ireland osi rul tim.

Dispela tim i kisim osi rul Intenesenel Kap sil em ol Mosquito i mas kisim i kam bihain long 2002 wol kap pilai taim tupela i go long gren fainol.

Long dispela taim PNG i bin wok long pilai gut na planti manmeri i save olsem ol Mosquito karim dispela kap i kam tasol dispela i abrus long fainol pilai.

Nau em i taim bilong bekim dispela dinaw.

Tede tupela bai bung long Melbon pilai graun, Australia long semi fainol.

PNG i winim olgeta pilai bilong em egensim Samoa, Kenada, Ingran na Amerika na olsem em i stap antap long pul bilong em.

Long Tunde, ap aste, PNG i winim Amerika long seven gol na faiv bihain wantaim totel 47 (7.5.47) na Amerika em seven gol, foa bihain wantaim totel 46 (7.4.46).

Dispela i bin wanpela hatpela gem tru.

Scott Reid, man husat i go pas long PNG Mosquito tim, i tok ol i gat bikpela bilip long winim dispela pilai egensim Ireland na bekim dispela dinaw bilong 2002.

"Tru tru mipela i no laik bihainim dispela mak bilong 2002. Mipela i laik win nau," Reid tok long



¥ Sosel na Welfea na Spot Minista Dem Carol Kidu i amamas wantaim rana Toea Wisil (han kais) na wetlifita Jeffery Robby long welkamim Tim PNG long mini Gem. Sanap wantaim ol arapela tim memba long baksait em sif delegat opisa Tamzin Wardley. Foto: ANDREW MOLEN

Melbon. "Dispela bai wanpela hatpela pilai tasol mipela bai traim bes bilong mipela," em i tok.

Bihain long Nu Silan i winim

Samoa long aste dispela i lukim foapela top tim- Nu Silan, PNG, Ireland na Amerika bai go insait long fainol.

"Olgeta foapela tim i gutpela tim. Strongpela tim bai lukim wina bilong Kap."

"Mipela bai pilai long tim spirit. I

hat long mipela i tokaut long husat bai go pas long helpim tim i win. Olgeta pilai i gat strong bilong kamapim win."

"Mipela i gat spid em mipela i kaurim long helpim mipela i win. Na olsem mipela i hop olsem ol pilai i holim pas gut bai na kikim gut gol. Sapos nogat mipela i gat olgeta bilip long kamapim gutpela pilai," Reid i tok.

Em i tok nau yet Melbon i kol na olsem ol i pilim nogut liklik long skin tasol sapos nogat olgeta i amamas long stap na kamap long pilai.

Long pilai bilong Mosquito egensim Amerika Peter Meli i kikim tupela gol wantaim Overa Gibson, Junia Hari, Paul Philip na Desmond Kaumu olgeta i kikim wanpela gol wantaim.

Pilala bilong dispela pilai i go long Desmond Kaumu.

PNG bai bungim Ireland na Nu Silan bai kalap wantaim Amerika.

PNG i stap long namba tu ples olsem na em i pilai wantaim Ireland husat i stap long namba foa ples.

Sapos PNG i winim em bai pilaim lusa bilong Nu Silan na Amerika.

Na sapos Amerika i lus dispela i min olsem Amerika bai bungim Ireland long painim namba tri na foa ples. Na PNG bai go insait long gren fainol wantaim Nu Silan long painim wina bilong Kap. Sapos olgeta samting i kamap gut.

FOOTY FEVER Baim MAJOR APPLIANCE (RETAIL) long BRIAN BELL na kisim **FREE** NRL BALL, NRL BACK PACK, NRL CAP o NRL COFFEE MUGS

Harlap, promotion bai pinda August 31st, 2005

FREE NRL BALL taim yu baim wanpela ais bokis

FREE NRL BACK PACK taim yu baim 4 burner gas o pawa stov

FREE NRL CAP taim yu baim masin bilong wasim klos

FREE NRL MUGS taim yu baim Microwave Oven.

FREE NRL BALL taim yu baim ais bokis.

Brian Bell Shop with a friend **B** Dispela offer em bilong RETAIL na Consumer Credit Customers tasol